


世說新補六



世說新語補卷之十五

賢媛

補

樂羊子遊學七年妻常躬勤養母又遠饋羊子

常有他舍鷄飛入園中姑盜殺而食之妻對鷄

泣而不餐姑恠問其故對曰自傷居貧使食有

他肉姑亦感悟棄去

列女傳曰河南樂羊子之妻不知何氏之女有盜欲

犯之先劫其姑妻舉刀自刎而死太守以聞以禮葬之號曰貞義

補

樂羊子嘗行路得遺金一餅還以與妻妻曰妾

聞志士不飲盜泉之水

論語傳考識曰水名盜泉仲尼不漱

廉者

不受嗟來之食

禮記曰齊大饑黔敖為食于路以待餓者有蒙袂戢屨貿貿而

來曰嗟來食曰余唯不食嗟來之食以至于斯
從而謝之不食而死曾子曰其嗟也可去其謝
也可况拾遺求利以汙其行乎羊子大慚乃捐

金於野

陳嬰者東陽人少修德行著稱鄉黨秦末大亂

東陽人欲奉嬰為主母曰不可自我為汝家婦
少見貧賤一旦富貴不祥不如以兵屬人事成

少受其利不成禍有所歸

史記曰嬰故東陽令史居縣素信為長者

東陽人欲立長乃請嬰嬰母見之乃以兵屬項梁梁以嬰為上柱國

漢成帝幸趙飛燕飛燕讒班婕妤詛於是考
問辭曰妾聞死生有命富貴在天修善尚不蒙

補

福為邪欲以何望若鬼神有知不受邪佞之訴

若其無知訴之何益故不為也漢書外戚傳曰

長安宮人初生父母不舉三日不死乃收養之

又壯屬河陽主家學歌舞號曰飛燕帝微行過

主見而說之召入宮大得幸立為后班婕妤好者

鴈門人成帝初選入宮大得幸立為婕妤好帝遊

後庭嘗欲與同輦婕妤好辭之趙飛燕諧許皇后

及婕妤好婕妤好對有辭致上憐之賜黃金百斤飛

燕嬌妬婕妤好恐見免中求供養太后於

長信宮帝崩婕妤好克奉園陵薨葬園中

袁隗妻後漢書袁安傳曰隗字次陽馬倫是季

長女列女傳曰班姬作女識七篇馬融善之今

妻女習焉倫有名於世妹芝亦有才義

少有才辯融家世豐豪裝遣甚盛隗問曰婦奉

箕帚而已何乃過珍麗乎對曰慈親垂愛不敢

逆命君若欲慕鮑宣梁鴻之高妾亦請從少君

孟光之事矣列女傳曰鮑宣妻桓氏女也字少君宣嘗就少君父學父奇其清苦

以女妻之裝送甚盛宣不悅謂妻曰少君生富驕習美飾而吾實貧賤不敢當禮妻曰大人以

先生修德守約故使賤妾侍執巾櫛既奉承君子唯命是從宣笑曰能如是是吾志也妻乃悉

歸侍御服飾更着短衣裳與宣共挽鹿車歸鄉里拜姑禮畢提甕出汲修舍婦道鄉邦稱之

隗又曰弟先兄舉世以為笑今處姊未適先行

可乎對曰妾姊高行殊邈未遭良匹不似鄙薄

苟然而已又問曰南郡學窮道奧文為辭宗融

南郡太守而所在之職輒以貨財為損何邪對曰孔

子大聖不免武叔之毀子路至賢猶有伯寮之

補

愬家君獲此固其宜耳隗默然不能屈

曹公問蔡文姬聞夫人家先多墳籍猶能憶識

之不文姬曰昔亡父賜書四千許卷流離塗炭

罔有存者今所誦憶裁四百餘篇曹公言當使

十吏就夫人寫之文姬曰妾聞男女之別禮不

親授乞給紙筆真草唯命於是繕寫送上文無

遺誤

范曄後漢書曰蔡伯喈女名琰字文姬博學有才辨妙于音律適河東衛仲道夫亡

無子與平中喪亂為胡騎所獲沒于南山奴左賢王十二年生子曹公素與伯喈善遣使以

金璧贖之嫁與董祀

魏武帝崩文帝悉取武帝宮人自侍及帝病困

賢媛

上元甫一五

三

卞后出看疾太后入戶見值侍並是昔日所愛

幸者太后問何時來邪云正伏魄時過因不復

前而歎曰狗鼠不食汝餘死故應爾至山陵亦

竟不臨魏書曰武宣卞皇后瑯琊開陽人以漢延熹三年生齊郡白亭有黃氣滿室移

日父敬侯怖之以問卜者王越越曰此吉祥也年二十太祖納於譙性約儉不尚華麗有母儀

德行

趙母嫁女女臨去教之曰慎勿為好女曰不為

好可為惡邪母曰好尚不可為其况惡乎列女傳曰

趙姬者相鄉令東郡虞韞妻潁川趙氏女也才敏多覽韞既沒大皇帝敬其文才詔入宮省上

欲自征公孫淵姬上疏以諫作列女傳解蹏趙母注賦數十萬言赤烏六年卒淮南子曰人有

嫁其女而教之者曰爾為善善人疾之對曰然則當為不善乎曰善尚不可為而況不善乎景獻羊皇后曰此言雖鄙可以命世人

許允婦是阮衛尉女德如妹魏略曰允字士宗高陽人少與清河

崔資俱發名於冀州仕至領軍將軍陳留志者曰阮共字伯彥尉氏人清真守道動以禮讓仕

魏至衛尉卿少子侃字德如有俊才而飭以奇名理風儀雅潤與嵇康為友仕至河內太守

醜交理竟允無復入理家人深以為憂會允有

客至婦令婢視之還答曰是桓郎桓郎者桓範

也魏畧曰範字允明沛郡人婦云無憂桓必勸

入桓果語許云阮家既嫁醜女與卿故當有意

卿宜察之許便回入內既見婦即欲出婦料其

此出無復入理便捉裾停之許因謂曰婦有四

德卿有其幾

周禮九嬪掌婦學之法以教九御婦德婦言婦容婦功鄭注曰德是

貞順言謂辭令容

婦曰新婦所乏唯容爾然士

有百行君有幾許云皆備婦曰夫百行以德為

首君好色不好德何謂皆備允有慚色遂相敬

重

許允為吏部郎多用其鄉里魏明帝遣虎賁收

之其婦出誠允曰明主可以理奪難以情求既

至帝覈問之允對曰舉爾所知臣之鄉人臣所

知也陛下檢校為稱職與不若不稱職臣受其

罪既檢校皆官得其人於是乃釋允衣服敗壞

詔賜新衣初允被收舉家號哭阮新婦自若云

勿憂尋還作粟粥待頃之允至魏氏春秋曰初

郡守明帝疑其所用非次將加其罪允妻阮氏

疏出謂曰明主可以理奪不可以情求允領之

而入帝怒詰之允對曰某郡太守雖限滿文書

先至年限在後日限在前帝前取事視之乃釋

然遣出望其衣

敗日清吏也

許允為晉景王所誅門生走入告其婦婦正在

機中神色不變曰蚤知爾耳魏志曰初領軍與

有詐作尺一詔書以玄為大將軍允為太尉共

錄尚書事無何有人天未明乘馬以詔版付允

門吏曰有詔因便驅走允投書燒之不以關呈

景王魏略曰明年李豐被收允欲往見大將軍

賢媛

已出門允回遑不定中道還取縛大將軍聞而
惟之曰我自收李豐士大夫何為忽忽乎會鎮
北將軍劉靜卒以允代靜大將軍與允書曰鎮
北雖少事而都典一方念足下震華鼓建朱節
歷本州此所謂著繡畫行也會有司奏允前擅
以厨錢穀乞諸俳及其官屬戒死從邊道死魏
氏春秋曰允之為鎮北喜謂其妻曰吾知免矣
妻曰禍見於此何免之有晉諸公贊曰允有正
情與文帝不平遂幽殺之婦人集載阮氏與門
允書陳允禍患所起辭甚酸愴文多不錄門
人欲藏其兒婦曰無豫諸兒事後徙居墓所景
王遣鍾會看之若才流及父當收兒以咨毋毋
曰汝等雖佳才具不多率曾懷與語便無所憂
不須極哀會止便止又可少問朝事兒從之會
反以狀對卒免

世語曰允二子奇字子太猛字
子豹並有治理晉諸公贊曰奇

泰始中為太常丞世祖嘗祠廟奇應行事朝廷

以奇受害之門不令接近出為長史世祖下詔

述允宿望又稱奇才擢為尚書祠部郎

猛禮學儒博加有才識為幽州刺史

王公淵娶諸葛誕女入室言語始交王謂婦曰

新婦神色卑下殊不似公休婦曰大丈夫不能

彷彿彥雲而令婦人比蹤英傑魏氏春秋曰王

子也有風量才學名重當世與傳廣字公淵王凌

同異行於世魏志曰廣有志尚學行凌誅并死

臣謂王廣名士豈以妻父為戲此言非也

王經少貧苦仕至二千石母語之曰汝本寒家

子仕至二千石此可以止乎經不能用為尚書

助魏不忠於晉被收涕泣辭母曰不從母教以

賢媛

至今日母都無憾容語之曰為子則孝為臣則

忠有孝有忠何負吾邪世語曰經字彥清河

王業馳告文王經以正直不出因沈業申意後

誅經及其母晉諸公資曰沈業將出呼經不從

曰吾子行矣漢晉春秋曰初曹髦將自討司馬

昭經諫曰昔魯昭不忍季氏敗走失國為天下

笑今權在其門久矣朝廷四方皆為之改更不

顧逆順之理非一日也且宿衛空闕寸刃而有

陛下何所資用而一旦如此無乃欲除疾而更

添之邪髦不聽後殺經并及其母將死垂泣謝

母母顏色不變笑而謂曰人誰不死往所止

汝者恐不得其所也以此并命何恨之有子寶

晉紀曰經正直不忠於我故誅之按傳瑒于寶

所記則是經實忠貞於魏而世語既謂其正直

復云因沈業申意何其相

反乎故二家之言深得之

山公與嵇阮一面契若金蘭山妻韓氏覺公與

二人異於常交問公公曰我當年可以為友者

唯此二生耳妻曰負羈之妻亦親觀狐趙意欲

窺之可乎春秋傳曰晉公子重耳及曹曹共公

羈之妻曰吾觀晉公子之從者皆足以相國若

以相夫子必反其國得志於諸侯而誅無禮曹

其首也子盍蚤自貳焉乃饋他日二人來妻勸

公止之宿具酒肉夜穿墉以視之達旦忘反公

入曰二人何如妻曰君才致殊不如正當以識

度相友耳公曰伊輩亦常以我度為勝晉陽秋

素恢達度量弘遠心存事外而時興俛仰嘗與

阮籍嵇康諸人著忘言之契至於羣子屯蹇於

賢媛

世濤獨保浩然之度王隱晉書曰韓氏有才識

濟未仕時戲之曰忍寒我當作三公不知卿堪

為夫人
不耳

賈充前婦是李豐女豐被誅離婚徙邊婦人集

李氏名蛇李淑後遇赦得還充先已取郭配女

文豐誅徙樂浪武帝特聽置左右夫人李氏

賈氏譜曰郭氏名武帝特聽置左右夫人李氏

王璜即廣宣君也武帝特聽置左右夫人李氏

別住外不肯還充舍晉諸公贊曰世祖踐阼李

充遣郭氏更納其母充不許為李氏築宅而不

往來充母柳氏將亡充問所欲言者柳曰我教

汝迎李新婦尚郭氏語充欲就省李充曰彼剛

不肯安問他事郭氏語充欲就省李充曰彼剛

介有才氣卿往不如不去充別傳曰李氏

於是盛威儀多將侍婢既至入戶李氏起迎郭郭氏

不覺脚自屈因跪再拜既反語充充曰語卿道郭氏

何物

按晉諸公贊曰世祖以李豐得罪晉室又

斷不得往還而王隱晉書亦云充既與李絕婚更取城陽太守郭弘女名槐李禁錮解詔充置

左右夫人充母柳亦教充迎李槐怒攘臂責充曰判定律令為佐命之功我有其分李那得與

我並充乃架屋永年里中以安李槐晚乃知充出輒使人尋充詔許充置左右夫人充答詔以

謙讓不敢當盛禮晉贊既云世祖下詔不遣李還而王隱晉書及充別傳並言詔聽置立左右

夫人充憚郭氏不敢迎李三家之說並不同未詳孰是然李氏不還別有餘故而世說云自不

肯還謬矣且郭槐彊狼豈能就李而為之拜乎皆為虛也

李平陽秦州子

永嘉流人名曰康字玄

中夏名

士于時以比王夷甫孫秀初欲立威權咸云樂

令民望不可殺滅李重者又不足殺

晉諸公贊曰孫秀字

俊忠卿耶人初趙王倫封卿耶秀給為近職小吏倫數使秀作書疏文才稱倫意倫封趙秀從戶為趙人用為侍郎信任之晉陽秋曰倫篡位秀為中書令事皆決於秀為齊王所誅遂

逼重自裁初重在家有人走從門入出髻中疏

示重重看之色動入內示其女女直叫絕了其

意出則自裁按諸書皆云重知趙王倫作亂有疾不治遂以致卒而此書乃言自

裁甚乖謬且倫秀兒虐重加誅夷欲立威權自當顯戮何為逼令自裁此女甚高

明重每咨焉

周浚作安東時行獵值暴雨過汝南李氏李氏

富足而男子不在有女名絡秀聞外有貴人與

一婢於內宰豬羊作數十人飲食事事精辦不

聞有人聲密覘之獨見一女子狀貌非常浚因

求為妾父兄不許絡秀曰門戶珍瘁何惜一女

若連姻貴族將來或大益父兄從之八王故事

林汝南安城人少有才名太康初平吳自御史中丞出為揚州刺史元康初加安東將軍遂

生伯仁兄弟絡秀語伯仁等我所以屈節為汝

家作妾門戶計耳按周氏譜浚取同郡李伯宗女此云為妾耳汝若

不與吾家作親親者吾亦不惜餘年伯仁等悉

從命由此李氏在世得方幅齒遇

王汝南少無婚自求郝普女郝氏譜曰普字通

至洛陽太守司空以其癡會無婚處任其意便許之

魏氏志曰王昶字文舒仕至司空

既婚果有令姿淑德生東海

遂為王氏母儀或問汝南何以知之曰嘗見并

上取水舉動容止不失常未嘗忤觀以此知之

汝南別傳曰襄城郝仲將門至孤陋非其所偶也君嘗見其女便求聘焉果高朗英邁母儀冠

族其通識餘裕皆此類

王渾妻鍾氏生女令淑武子為妹求簡美對而

未嘗有兵家子有儁才欲以妹妻之乃白母

王氏

譜曰鍾夫人名琰之太傅繇之孫

曰誠是才者其地可遺然要

令我見武子乃令兵兒與羣小雜處使母帷中

察之既而母謂武子曰如此衣形者是汝所擬

者非邪武子曰是也母曰此才足以拔萃然地
寒不有長年不得申其才用觀其形骨必不壽
不可與婚武子從之兵兒數年果亡

王司徒婦鍾氏女太傅曾孫

王氏譜曰夫人黃門侍郎鍾琰女

亦有俊才女德

婦人集曰夫人有文才其詩賦頌誄行于世

鍾郝為

娣姒雅相親重鍾不以貴陵郝郝亦不以賤下
鍾東海家內則郝夫人之法京陵家內範鍾夫

人之禮

晉書曰渾初襲父爵京陵侯

陶公少有大志家酷貧與母湛氏同居同郡范
逵素知名舉孝廉授侃宿于時冰雪積日侃室

賢媛

世說新語

如懸磬而達馬僕甚多侃母湛氏語侃曰汝但出外留客吾自為計湛頭髮委地下為二髮一作

鬚賣得數斛米所諸屋柱悉割半為薪劉諸薦

以為馬草日夕遂設精食從者皆無所乏達既

歎其才辯又深愧其厚意明旦去侃追送不已

且百里許達曰路已遠君宜還侃猶不返達曰

卿可去矣至洛陽當相為美談侃迺返達及洛

遂稱之於羊晫顧榮諸人大獲美譽晉陽秋曰侃父丹娶

新淦湛氏女生侃湛度恭有智筭以陶氏貧賤紡績以資給侃使交結勝已侃必為尋陽吏都

陽孝廉范逵嘗過侃宿時大雪侃家無草湛徹所卧薦剉給陰載髮賣以供調達聞之歎息達

去侃追送之達曰豈欲仕乎侃曰有仕郡意達曰當相談致過廬江向太守張夔稱之召補吏舉孝廉除郎中時豫章顧榮或責羊晫曰君奈何與小人同輿晫曰此寒俊也王隱晉書曰侃母既截髮供客聞者歎曰非此母不生此子乃進之於張夔羊晫亦簡之後晫為十郡中正舉侃為都陽小中正始得上品也

陶公少時作魚梁吏嘗以坩鯪餉母母封鯪付

使反書責侃曰汝為吏以官物見餉非唯不益

乃增吾憂也

侃別傳曰母湛氏賢明有法訓侃在武昌與佐吏從容飲燕常有飲

限或勸猶可少進侃悽然良久曰昔年少曾有酒失二親見約故不敢踰限及侃丁母憂在墓

下忽有二客來吊不哭而退儀服鮮異知非常人遣隨視之但見雙鶴冲天而去幽明錄曰陶

公在尋陽西南一塞取魚自謂其池曰鶴門按吳司徒孟宗為雷池監以鯪餉母母不受非侃

也疑後人因
孟假為此說

桓宣武平蜀以李勢妹為妾甚有寵常著齋後

主始不知既聞與數十婢拔白刃襲之

續晉陽秋曰溫

尚明帝女南康長公主

正值李梳頭髮委籍地膚色玉曜

不為動容徐曰國破家亡無心至此今日若能

見殺乃是本懷主慚而退

勢女記曰溫平蜀以李

不即知之後知乃拔刃往李所因欲斫之見李

在窓梳頭姿貌端麗徐後結髮歛手向主神色

阿正辭甚悽惋主於是擲刀前抱之曰

阿子我見汝亦憐何況老奴遂善之

庾玉臺希之弟也希誅

中興書曰希字始彥司空冰長子累遷徐充二

州刺史希兄弟貴盛桓溫忌之諷免希官遂奔

于暨陽初郭璞筮冰子孫必有禍唯固三陽

可以有後故希求鎮山陽弟友為東陽希自家

豈陽及溫誅希弟希不倩聞希難逃於海陵後還

京口聚衆事將戮玉臺王臺庾友小字庾氏譜

敗為溫所誅三子歷中書玉臺子婦宣武弟桓豁女也庾氏譜曰

郎東陽太守友字弘之長子宣娶宣徒跣求進閣禁不內女

武弟桓豁之女子宣娶宣厲聲曰是何小人我伯父門不聽我前因突入

號泣請曰庾玉臺常因人脚短三寸當復能作

賊不宣武笑曰壻故自急遂原玉臺一門中興書曰

桓溫殺庾希弟倩希聞難而逃希弟謝公夫人幃諸婢使在前作伎使太傅暫見便

友當伏誅子婦桓氏女請溫得宥下幃太傅索更聞夫人云恐傷盛德

王右軍郝夫人謂二弟司空中郎曰

司空惜也郝晏別傳

日晏字重熙鑑少子性韻方質和正沈簡累遷丹陽尹北中郎將徐亮二州刺史

王家

見二謝傾筐倒庋

二謝安萬

見汝輩來平平爾汝可

無煩復往

韓康伯母隱古几毀壞卞鞠見几惡欲易之

卞鞠

範之母之外孫也別見

答曰我若不隱此汝何以得見古

物

桓車騎不好着新衣浴後婦故送新衣與

桓氏譜曰

冲娶瑯琊王恬女字女宗

車騎大怒催使持去婦更持還傳

語云衣不經新何由而故桓公大笑着之

郝嘉賓喪婦兄弟欲迎妹還終不肯歸郝氏譜曰超娶

汝南周閭女名焉頭曰生縱不得與郝郎同室死寧不同

穴毛詩曰穀則異室死則同穴鄭玄注曰穴謂墳中墟也

補謝太傅寒雪日內集與兒女講論文義俄而雪

驟公欣然曰白雪紛紛何所似兄子胡兒曰撒

鹽空中差可擬兄女曰未若柳絮因風起公大

笑樂即公大兄無奕女左將軍王凝之妻也王氏

請曰凝之字叔平右將軍羲之第二子也歷江

州刺史左將軍會稽內史晉安帝紀曰凝之事

五斗米道孫恩之攻會稽凝之謂民吏曰不煩

備防吾已請大道許遣鬼兵相助賊自破矣既

補

王江州夫人語謝遏曰汝何以都不復進夫人
妹為是塵務經心天分有限

王江州為孫恩所害謝夫人嫠居會稽太守劉
柳聞其名請與談義夫人素聞劉名亦不自阻
乃簪髻素褥坐在帳中劉束修整帶造於別榻
夫人風韻高邁叙致清雅先及家事慷慨流連
徐酬問旨詞理無滯劉退而嘆曰實頃所未見
瞻察言氣使人心形俱服夫人亦云親從凋亡
始遇此士聽其所問殊開人心曾

晉書曰劉柳
字叔惠南陽

人劉喬之曾孫少登清官歷尚書左
右丞傳迪好廣讀書而不解其義柳唯讀老子

而已迫每輕之柳云卿讀書雖多而無所解可謂書簞矣時人重其言

謝遏絕重其姊張玄常稱其妹欲以敵之有濟尼者並遊張謝二家人問其優劣答曰王夫人神情散朗故有林下風氣顧家婦清心玉映自是閨房之秀

王尚書惠嘗看王右軍夫人問眼耳未覺惡不

婦人集載謝表曰妾年九十孤散獨存願蒙哀矜賜其鞠養答曰髮白齒落

屬乎形骸至于眼耳關於神明那可便與人隔

韓康伯母殷隨孫繪之之衡陽韓氏譜曰繪之字季倫父康伯

太常卿繪之仕於闔廬洲中逢桓南郡卞鞠是

其外孫時來問訊謂鞠曰我不死見此豎二世

作賊在衡陽數年繪之遇桓景真之難也

續晉陽秋

日桓亮字景真大司馬溫之孫父濟給事中叔父玄纂逆見誅亮聚眾於長沙自號湘州刺史

殺太宰覽恭衡陽前太守韓繪之殷撫屍哭曰

汝父昔罷豫章徵書朝至夕發汝去郡邑數年

為物不得動遂及於難夫復何言

補

宋明帝嘗於宮內大集羸婦人以為歡笑明恭

后獨以扇障面帝曰外舍家寒乞今共為笑樂

何獨不視后曰為樂之事其方自多豈有姑姊

妹集聚而羸婦人形體以此為樂外舍之為歡

適與此不同帝怒遣后令起后兄景文語人曰

后在家為僂弱婦人不知今段遂為剛正如此

沈約宋書曰明恭王皇后諱貞風瑯琊王僧朗之女元嘉五年拜淮陽王妃太宗即位立為皇后

補

劉孝綽三妹嫁瑯琊王叔英吳郡張嶠

南史曰嶠字四

山吳郡人張稷子也方雅有志操能清言為湘東王長史

東海徐悱

梁書曰徐悱字

敬業東海剡人徐勉子也幼聰敏能屬文仕至晉安內史

並有文才徐妻尤

為清拔

孝綽傳曰悱妻所謂劉三娘者也悱卒妻為祭文辭甚悽愴勉本欲為哀文既

觀此文于是閣筆

補

肅宗宴於宮中時有蕃將阿布思伏法其妻配

掖庭因隸樂工是日為假官之長

言中女優有弄假官戲其

綠衣秉簡者謂之將軍椿

上及侍宴者笑樂政和公主獨俛

首不視上問其故公主曰禁中侍女不少何必

須得此人使阿布思真逆人其妻亦同刑人不

合迫至尊之座果冤邪豈忍使其妻與羣優雜

處為笑謔之具妾深以為不可上亦憫惻為之

罷戲

趙璘因話錄曰政和公主第三女降柳潭

補元相得罪

唐書曰元載鳳翔岐山人唐詩紀事曰載霸旅到京屢陳時務深符上旨

擢拜中書以貪愆伏法

夫人王氏韞秀少有識量節槩頗

聞掖庭代宗欲令入宮備彤管箴規之任王歎

曰王家十三娘二十年太原節度使女十六年

宰相妻誰能書得長信昭陽之事得罪亦幸矣

堅不從命范摠雲溪友議曰韞秀王縉相公之

秀嫁元載久而見輕韞秀謂元曰何不增學所

有奩幌資裝盡為紙墨之費元到京屢陳時務

深契上旨肅宗擢拜中書按通鑑及劉昫唐書

載妻王忠嗣女且王縉與載同時作相史言縉

早體附之故縉終以載得罪不應翁婿同時俱

在政府又無應婦翁早體于女婿則載妻為忠

嗣女無疑而雲溪友議與杜陽雜編以為韞秀

縉女也夫范摠蘇鶚皆唐時人其所載唐事尚

相牴牾如此乃知野史所書固多謬妄也

中和間時溥既平黃巢獻俘於朝唐書曰時導

據長安詔徵天下兵進討武寧節度使支詳清

溥赴難及巢攻陳州溥出師討之戰屢捷巢

賢媛

上元南十五

十六

敗也其將尚讓以數千人降溥

并巢姬妾百數僖宗御大元樓

受之宣問姬妾汝等皆勲貴子女世受國恩何

為從賊其居首曰狂賊凶逆國家以百萬之衆

失守宗祧播遷巴蜀今陛下以不能拒賊責一

女子置公卿將相於何地乎僖宗不復問皆戮

於市人事與之酒衆皆悲慟昏醉居首者獨不

飲不泣至於就刑神色肅然

唐書曰黃巢曹州冤句人初依尚君

長為亂踰五嶺犯湖湘江浙攻陷京師僭號大齊

補宋太祖將北征京師諠言軍中欲立點檢為天

子太祖告家人曰外間詢詢如此將若之何太

祖姊方在厨引麪杖擊太祖逐之曰丈夫臨大
事可否當自決曾懷乃來家間恐怖婦女何為
邪太祖默然而出何氏曰太祖姊即魏國長公主公
擊父按宋公主傳秦國大長公主太祖同母姊
也亦有姊一入未笄而夭追封陳國長公主豈即
乎此

術解

張平子作地動儀精銅以鑄其器圓徑八尺形
似酒尊尊中有都柱旁行八道施開發機外有
八龍首銜銅丸下設蟾蜍承之地或動則隨其
方面一龍吐丸其機關巧制皆在尊中

范曄後漢書曰

張衡字平子南陽西鄂人祖堪蜀郡太守衡少
 善屬文後游太學遂通五經善機巧尤致思於
 天文陰陽歷算之學作渾天儀復造候風地動
 儀如有地動尊則振龍機發吐丸而蟾蜍銜之
 振聲激揚伺者因此覺知雖一龍發機而七首
 不動尋其方面乃知震之所在合契若神嘗一
 龍機發而地不動咸怪其無徵後數日驛至果
 地震隴西于是皆服其妙官太史令出為河間
 相徵拜
 尚書

蔡中郎在陳留鄰人召中郎飲比往酒已酣客
 有彈琴於屏中郎至門潛聽之曰以樂召我而
 有殺心何也遂反將命者告主人以蔡君至門
 而去中郎素為鄉邦所宗主人自起追問其故
 中郎具以告莫不憮然彈琴者曰我見螳螂方

向鳴蟬蟬將去而未飛螳螂為之一前一却吾

心聳然唯恐螳螂之失蟬也此豈為殺心而形

於聲者乎中郎笑曰此足以當之矣范曄後漢書曰吳人

燒桐以爨鬯聞火烈聲知其良木因裁為琴果有美音而尾猶焦時人名焦尾琴

補

蔡中郎告吳人曰吾昔嘗經會稽高遷亭見屋

椽竹東間第十六可以為笛取用果有異聲伏滔

長笛賦序云柯亭之觀以竹為椽鬯取為笛奇聲獨絕

補

蔡文姬年六歲時父中郎於夜中鼓琴絃絕文

姬曰第二絃中郎復故斷一絃以問之文姬言

是第四絃並不差謬中郎云偶得之耳文姬曰

季札觀吳知興亡之國師曠吹律識南風之不

競由此觀之何足不知聘請觀周樂使工為之

歌周南召南曰美哉召南曰美哉召南曰美哉猶未也然勤而

不怨矣為之歌邶鄘衛曰美哉邶鄘衛曰美哉邶鄘衛曰美哉淵乎憂而不困

者也吾聞衛康叔武公之德如是是其衛風乎

為之鄭曰美哉其細已甚民弗堪也是其先亡乎

為之太公乎國未可量也為之歌豳曰美哉太公乎國未可量也為之歌豳曰美哉蕩乎

樂而不淫其周公之東乎為之歌秦曰美哉樂而不淫其周公之東乎為之歌秦曰美哉蕩乎

夏聲夫能夏則大之至也其周之舊乎為之

歌魏曰美哉魏曰美哉魏曰美哉風乎大而婉險而易行以德輔

此則明主也為之歌唐曰思深哉其有陶唐氏
之遺民乎不然何憂之遠也非令德之後誰能
若是為之歌陳曰國無主其能久乎若是為之歌陳曰國無主其能久乎自鄩以下
無譏焉為之歌小雅曰美哉思而不貳怨而不
言其周德之衰乎猶有先王之遺民焉為之歌
大雅曰廣哉熙熙乎曲而有直體其文王之德

乎為之歌頌曰至矣哉直而不倨曲而不屈通而不偏遠而不携遷而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箏南籥者曰美我猶有憾見舞大武者曰美我周之盛也其若此乎見舞韶漢者曰聖人之弘也而猶有慚德聖人之難也見舞大夏者曰美我勤而不德非禹其誰能修之見舞韶箏者曰德至矣哉大矣如天之無不憐也如地之無不載也雖甚盛德其蔑以加於此矣觀止矣若有他樂吾不敢請已其出聘也通嗣君也故遂焉于齊說晏平仲謂之曰子速納邑與政無邑無政乃免於難齊國之政將有所歸未獲所歸難未歇也故晏子因陳桓子以納政與邑是以免於樂高之難聘於鄭見子產如舊相識與之縞帶子產獻紵衣焉謂子產曰鄭之執政侈難將至矣政必及子子為政慎之以禮不然鄭國將敗也衛說遽瑗史狗史鰭公子荆公叔段公子朝曰衛多君子未有患也自衛如晉將宿不厭聞鐘聲焉

日異我我聞之也辯而不德必加於戮夫子獲
罪於君以在此懼猶不足而又何樂夫子之在
此也猶燕之巢於幕上君又在殯面可以樂乎
遂去之文子聞之終身不聽琴瑟適晉說趙文
子韓宣子魏獻子曰晉國其萃于三族乎說叔
向將行謂叔向曰吾子勉之君侈而多良大夫
皆富政將在家吾子
好直必思自免於難

管公明過清河時適大旱太守問何當有雨公
明曰今夕當大雨至日向暮了無雲氣衆人並
謹噓公明言樹中已有少女微風陰鳥和鳴若
少女反風陰鳥亂翔其應至矣須臾雲氣四起
大雨傾注

補
蒲元性多奇思於斜谷口為諸葛武侯鑄刀三

千口自言漢水鈍弱不任淬用水經注曰江水

弱所謂發源蜀江爽烈是謂大金之元精水經注曰

蜀中錦工織錦濯之命入於成都取江水蒲以

淬刀言雜涪水涪水出廣魏涪縣西北不可用取水者捍

言不雜蒲以刀畫水言雜八升取水者叩頭云

於涪津覆水遂以涪水八升益之又嘗以竹筒

納鐵珠滿中舉刀斷之應手震落因曰神刀元別

傳曰君性多奇思得之天然陶弘景刀劔錄曰蜀主劉備嘗令蒲元造刀五十口

荀勗善解音聲時論謂之闇解遂調律呂正雅

樂每至正會殿庭作樂自調宮商無不諧韻阮

咸妙賞時謂神解每公會作樂而心謂之不調
既無一言直勗意忌之遂出阮為始平太守後
有一田父耕於野得周時玉尺便是天下正尺
荀試以校已所治鐘鼓金石絲竹皆覺短一黍
於是伏阮神識晉後畧曰鐘律之器自周之末
廢而漢成哀之間諸儒修而治
之至後漢末復墮矣魏氏使協律知音者杜夔
造之不能考之典禮徒依于時絲管之聲時之
尺寸而制之甚乖失禮度於是世祖命中書監
荀勗依典制定鐘律既鑄律管募求古器得周
時玉律數枚比之不差又諸郡舍倉庫或有漢
時故鐘以律命之皆不叩而應聲響韻合又若
俱成晉諸公贊曰律成散騎侍郎阮咸謂勗所
造聲高高則悲夫亡國之音哀以思其民困今
聲不合雅懼非德政中和之音必是古今尺有
長短所致然今鐘磬是魏時杜夔所造不與勗

律相應音聲舒雅而久不知夔所造時人為之
不足改易易性自矜乃因事左遷咸為始平太
守而病卒後得地中古銅尺校度易今尺短四
分方服咸果解音然無能正者于實晉紀曰荀
勗始造正德大象之舞以魏尺長於古四分有餘
大樂本音不和後漢至魏尺長於古四分有餘
而夔據之是以失韻仍依周禮積粟以起度量
以度古器符於本銘遂以為式用之郊廟

荀勗嘗在晉武帝坐上食筍進飯謂在坐人曰
此是勞薪炊也坐者未之信密遣問之實用故
車脚

王武子善解馬性嘗乘一馬箸連錢障泥前有
水終日不肯渡王云此必是惜障泥使人解去
便徑渡

語林曰武子性愛馬亦甚別之故杜預
道王武子有馬癖和長輿有錢癖武帝

問杜預卿有何癖
劉曰臣有左傳癖

晉明帝解古塚宅聞郭璞為人葬帝微服往看

因問主人何以葬龍角此法當滅族主人曰郭

云此葬龍耳不出三年當致天子帝問為是出

天子邪答曰非出天子能致天子問耳

青烏子相塚書

曰葬龍之角暴富貴後當滅門

郭景純過江居于暨陽墓去水不盈百步時人

以為近水景純曰將當為陸

璞別傳曰璞少好經術明解卜筮永

嘉中海外將亂璞投策嘆曰黔黎將同異類矣便結親暱十餘家南渡今沙

漲去墓數十里皆為桑田其詩曰北阜烈烈巨

海混混壘壘三墳唯母與昆

王丞相令郭璞試作一卦卦成郭意色甚惡云
公有震厄王問有可消伏理不郭曰命駕西出
數里得一栢樹截斷如公長置牀上常寢處災
可消矣王從其語數日中果震栢粉碎子弟皆
稱慶王隱晉書曰璞消災轉禍扶危擇勝時人咸言京管不及大將軍云君
乃復委罪於樹木

王大將軍嘗坐武昌釣臺聞行船打鼓嗟稱其
能俄而一槌小異王以扇柄撞几曰可恨時王
應侍側曰不然此是回颿槌使視之云船入入

交口

世云敦善識鼓節則應識鼓又善於敦也

桓公有主簿善別酒有酒輒令先嘗好者謂青州從事惡者謂平原督郵青州有齊郡平原有菑縣從事言到臍督郵言在菑上住

殷中軍妙解經脈中年都廢有常所給使忽叩頭流血浩問其故云有死事終不可說詰問良久乃云小入母年垂百歲抱疾來久若蒙官一脈便有活理訖就屠戮無恨浩感其至性遂令舁來為診脈處方始服一劑湯便愈於是悉焚經方

補

樂入王令言妙解音律大業末煬帝將幸江都
令言子當從忽於戶外彈胡琵琶作翻調安公
子曲令言時卧室中聞之大驚蹶然而起曰變
變急呼其子問曰此曲興自早晚其子言頃來
有之令言敍獻流涕謂其子曰汝慎無從行帝
必不返子問其故令言曰此曲宮聲往而不返
宮者君也吾是以知之帝果於江都遇害

大業拾遺

記曰大業二十年煬帝將幸江都命越王侑留守東都宮女半不隨駕爭泣留帝言遼東小國不足煩大駕帝意不回因戲飛白題二十字賜守宮女云我夢江都好征遼亦偶然但存顏色在離別只今年車駕遂行迷樓記曰帝將再幸江都有迷樓宮人抗聲夜歌云河南楊柳謝河

補

北李花榮楊花飛去落何處李花結子自然成
帝召宮女問汝自為之邪曰道塗兒童都唱此
歌帝默然曰天啓之也因索酒自歌曰宮木陰
濃燕子飛興亡自古漫成悲他日迷樓更好景
官中吐艷戀紅輝後唐帝提兵入京見迷樓
曰此皆民膏血所為命焚之經月火不滅

補

趙邪利善鼓琴嘗云吳聲清宛若長江廣流綿
綿徐逝國士之風蜀聲躁急若激浪奔雷亦一
時俊決樂纂曰趙師字耶利天水人以琴道見
五弄皆削凡歸雅述胡笳五弄譜弟子
達者數人並當代翹楚卒於貞觀十年
李龜年得樂十六色李龜年以歌擅一代之名

嘗至岐王宅

唐書曰惠文太子範睿宗第四子

又多聚書畫古蹟為時所稱

聞琴曰此秦聲良久又曰此楚

聲主人入問之則前彈者隴西沈妍後彈者揚

州薛滿

補

太常缺黃鐘鑄不能成李嗣真居崇業里疑土中有之弗得其所道逢一車鐸聲甚厲嗣真曰

宮聲也市以歸振於空地若有應者掘之得鐘

衆樂遂和

劉昫唐書曰李嗣真滑州匡城人博學曉音律無善陰陽推筭之術永昌

中拜御史中丞為來俊臣所陷配流嶺南

補

李贊皇作相日有親知奉使京口贊皇曰金山

泉揚子江中冷水

張又新水記載陸羽品第天下第一

七各置一壺其人舉棹醉而忘之至石頭城方

術解

世說補

二

憶乃汲一瓶歸獻李飲之曰江南水味大異頃
歲此頗似建業石頭城下水其人謝過不敢隱

唐書曰李德裕字文饒趙郡人祖栖筠御史大夫父吉甫元和初宰相德裕幼有壯志苦心力學年纔及冠志業大成貞元中以兵部尚書平章事封賢皇伯後為朋黨所搆貶崖州司戶

世說新語補卷之十五

世說新語補卷之十六

巧藝

補蔡中郎性沉審志好琴道嘉平中入清溪訪鬼

谷先生故居山五曲曲有靈迹中郎每一曲制

一弄三年曲成出呈馬季長王子師輩皆嘆異

之

范曄後漢書曰王允字子師太原祁人少好大節有志於立功郭林宗見而奇之曰王生

一日千里王佐才也後與士孫瑞結謀同誅董卓

彈碁始自魏宮內用敕舊戲

傳玄彈碁賦叙曰漢成帝好蹴鞠劉

向以謂勞人體竭人力非至尊所宜御乃因其體作彈碁今觀其道蹴鞠道也按玄此言則彈

碁之戲其來久矣且梁冀傳云冀文帝於此戲

巧藝

世說新語補卷之十六

文帝於此戲

特妙用手巾角拂之無不中有客自云能帝使

為之客著葛巾角低頭拂綦妙踰於帝典論常

戲弄之事少所喜唯彈綦略盡其妙少時嘗為

之賦昔京師少工有二焉合鄉侯東方世安張

公子常恨不得與之對也博物志曰帝善彈綦

能用手中角時有一書生又能低頭以所冠葛

綦也

陵雲臺樓觀精巧先稱平衆木輕重然後造構

乃無錙銖相負揭臺雖高峻常隨風搖動而終

無傾倒之理魏明帝登臺懼其勢危別以大材

扶持之樓即頽壞論者謂輕重力偏故也洛陽

簿曰陵雲臺上壁方十三丈高九尺樓方四

丈高五丈棟去地十三丈五尺七寸五分也

韋仲將能書魏明帝起殿欲安榜使仲將登梯

題之既下頭鬢皓然因敕兒孫勿復學書文章錄

曰韋誕字仲將京兆杜陵人太僕端子有文學善屬辭以光祿大夫卒衛恒四體書勢曰誕善

楷書魏宮觀多誕所題明帝立陵霄觀誤先釘榜乃籠成誕輓轡長絙引上使就題之去地二

十五丈誕甚危懼乃戒子孫絕此楷法著之家令

鍾會是荀濟北從舅二人情好不協荀有寶劍

可直百萬常在母鍾夫人許孔氏志怪曰易會

善書學荀手跡作書與母取劍仍竊去不還世語

曰會善學人書伐蜀之役於劍閣要鄧艾章表皆約其言令詞旨倨傲多自矜伐艾由此被收

也荀勗知是鍾而無由得也思所以報之後鍾

兄弟以千萬起一宅始成甚精麗未得移住荀

極善畫乃潛往畫鍾門堂作太傅形象衣冠狀

貌如平生二鍾入門便大感慟宅遂空廢孔氏志惟

曰于時咸謂最之報會過於所失數十倍彼此書畫巧妙之極

戴安道就范宣學中興書曰達不遠千里往豫章詣范宣宣見達異之以兄

女妻視范所為范讀書亦讀書范抄書亦抄書

唯獨好畫范以為無用不宜勞思於此戴乃畫

南都賦圖范看畢咨嗟甚以為有益始重畫

戴安道中年畫行像甚精妙庾道季看之語戴

云神明太俗由卿世情未盡戴云唯務光當免

卿此語耳

列仙傳曰務光夏時人也耳長七寸好鼓琴服菖蒲蓂根湯將伐桀謀於

光光曰非吾事也湯曰伊尹何如務光曰彊力忍詬不知其宅湯克天下讓於光光曰吾聞無道之世不踐其土况讓

我乎負石自沈於廬水

顧長康畫裴叔則頰上益三毛人問其故顧曰

裴楷儁朗有識具正此是其識具看畫者尋之

定覺益三毛如有神明殊勝未安時

愷之歷畫古賢皆為

之資也

顧長康畫人或數年不點目精人問其故顧曰

四體妍蚩本無關於妙處傳神寫照正在阿堵

中

顧長康畫謝幼輿在巖石裏人問其所以顧曰

謝云一丘一壑自謂過之此子宜置丘壑中

顧長康好寫起人形續晉陽秋曰愷之圖寫特妙欲圖殷荆

州殷曰我形惡不煩爾顧曰明府正為眼爾仲

妙目但明點童子飛白拂其上使如輕雲之蔽

日日一作月

王中郎以圍碁是坐隱支公以圍碁為手談博

志曰堯作圍碁以教丹朱語林曰王以圍碁為手談故其在哀制中祥後客來方幅會戲

補
羊敬元少便靜默美言笑善容止父不疑為烏

程令王獻之為吳興太守羊時年十二王甚知

愛之嘗夏月入縣羊着新綃裙晝寢獻之書裙

數幅而去羊本工書因此彌善寶蒙述書賦注曰羊欣字敬元

太山人宋中散大夫與丘道護同受獻之筆法張懷瓘書斷曰羊欣師資大令時多衆賢非無

雲塵之遠若親承妙旨入於室者唯獨此公亦猶顏回與夫子有步驟之近械若嚴霜之材婉

如流風之雪驚禽走獸駘駘可謂王之蓋臣朝之元老沈約云敬元尤長於隸書子敬之

後可以獨步時人云買王得羊不失所望

補

蕭賁是竟陵王子良之孫南史曰子良字雲英武帝第二子也少有

清尚禮才好士天下才學皆遊集焉有文才善書畫嘗於扇上圖

山水咫尺之內便覺萬里為遙矜慎不傳自娛

而已

補

玄宗忽思嘉陵江山水假吳生驛遞令往寫貌

朱景玄唐朝名畫錄曰吳道玄字道子東京陽翟人少孤貧天授之性年未弱冠窮丹青之妙

浪迹東洛明皇知其名召入內供奉及回帝問之道玄云臣無粉

本並記在心遣於大同殿圖之嘉陵江山水一

日而就時有李將軍山水擅名亦畫大同殿數

月方畢上曰李思訓數月之功吳道玄一日之

跡各極其妙也

唐朝名畫錄曰李思訓開元中除衛將軍善畫品格高奇為國

朝山水第一

補

吳道玄嘗畫殿內五龍鱗甲飛動每欲大雨即

生烟霧

寵禮

補

皇甫度遼解官歸鄉

范曄後漢書曰皇甫規字威明安定朝那人官度遼

將軍與太常張奐然明太尉段熲把明並知名顯達稱為涼州三明時有以貨得

鴈門太守者書刺投謁度遼卧不時起既入見

門卿前在郡食鴈美乎有頃白王節信在門度

遼驚據而起衣不及帶屣履出迎援手入坐極

歡而別時人為之語曰徒見二千石不如一逢

掖范曄後漢書曰王符字節信安臨涇人少

好學與馬融竇章張衡崔瑗友善安和之後

世務游宦更相薦引符獨耿介不同於俗以此

論夫

寵禮

補

趙元叔

華嶠後漢書曰趙壹字元叔漢陽西縣人體貌魁梧身長九尺美須豪眉望之

甚偉恃才倨傲為鄉里所擯後屢抵罪幾至死友入救得免乃作刺世疾邪賦以舒其怨憤曰

伊五帝之不同禮三王亦又不同樂數極自然變化非是故相反駁總政不能救世溷亂賞罰

豈足懲時清濁春秋時猶敗之始戰國愈復增其荼毒秦漢無以相踰越乃史相其怨酷寧計

生民之命唯利己而自足于茲迄今情偽萬方佞諂日熾剛克消亡詆壽結駟正色徒行嫗嫗

名勢撫拍豪強偃蹇反俗立致咎殃捷懾逐物日富月昌渾然同惑孰溫孰涼邪夫顯進直士

幽藏原斯瘼之微興實執政之匪賢女謁掩其視聽兮近習秉其威權所好則鑽皮出其毛羽

所惡則洗垢求其疵痕雖欲竭誠而盡忠路絕喻而靡緣九重既不可啓又羣吠之信信安危

亡於旦夕肆嗜慾於目前奚異涉海之失拖積薪而待燃榮納由於閃榆孰知辨其蚘妍故法

禁屈撓於勢族思澤不逮於單門寧飢寒於堯舜之荒歲兮不飽暖於當今之豐年秉理雖死

而非亡違義雖生而匪存有素客者乃為詩曰
河清不可俟人命不可延順風激靡草富貴者
稱賢文籍雖滿腹不如一囊錢伊憂北堂上抗
骸倚門邊魯生聞此辭繫而作歌曰勢家多所
宜咳唾自成珠被褐懷金玉蘭蕙化為芻賢者
雖獨悟所困在羣愚且各守爾分勿復空馳驅
哀哉復哀哉夫造河南尹羊陟謝承後漢書曰羊
此是命矣夫受俸嘗食乾飯茹菜禁斷豪右書疏不與交
通斷理冤徒進用善士節操者旌表異行不
得見趙以公卿中非陟無足以托名乃日往到
門既通謁尚卧未起元叔逕入上堂遂前臨之
曰竊伏西州承高風舊矣乃今方遇而遽忽然
奈何命也因舉聲哭門下皆驚奔入滿側陟知
非常人起延與語明旦大從車騎造元叔時諸

計吏多盛飾車馬帷幙元叔柴車草屏露宿其
旁延陟坐於車下相與言談至曛夕而去執其
手曰良璞不剖必有泣血以相明者矣

琴操曰

王璞以獻楚懷王使樂正子占之言非王以其
欺謾斬其一足懷王死子平王立和復抱其璞
而獻之平王復以為欺斬其一足平王死和復
獻恐復見斷乃抱其王而哭荆山之中晝夜不
止泣盡繼乃與司空袁逢共稱薦之名動京師
之以血

范曄後漢書曰袁逢字周陽曾祖安祖京父湯
累世三公而逢以寬厚篤信著稱於時官至司

卒

元帝正會引王丞相登御牀王公固辭中宗引
之彌苦王公曰使太陽與萬物同輝臣下何以

補

瞻仰

中興書曰元帝登尊鼎百官陪位詔王導升御坐固辭然後止

謝幼輿為王大將軍長史王平子時在敦坐見

幼輿清談無倦唯歎謝長史可與言都不盼敦

王丞相常懸一麈尾著帳中後殷中軍來乃取

之與中軍曰今以遺汝

許玄度停都一月劉尹無日不往乃嘆曰卿復

少時不去我成輕薄京尹

語林曰玄度出都真長九日十一詣之曰

卿尚不去使我成薄德二千石

補

孝武在西堂會伏滔預坐

中興書曰伏滔字玄度平昌安丘人少有

才學舉秀才大司馬桓溫叅軍還下車呼其兒

寵禮

世說新語

七

見即系也丘淵之文章錄曰語之曰百人高會

臨坐未得他語先問伏滔何在在此不此故未
易得為人作父如此何如

謝萬與太傅共詣簡文萬來無衣幘可前簡文
曰但前不須衣幘即呼使入萬著白綸巾鵠擎
裘履板而前共談移日

補
王仲祖病劉真長為稱藥荀令則為量水

王孝孫初為護軍府兵士晉書曰尼本兵家子

初入洛詣東海王越不拜越問其時泰山胡毋

彥國與瑯琊王澄北地傳暢晉書曰暢字世道

光祿大夫侍中右僕射暢未弱冠有重名以選
入侍講東宮為祕書丞尋沒于石勒勒甚重之
以為大將中山劉輿潁川荀邃晉書曰邃字道
軍右司馬父藩司空邃解音樂善談論弱冠
辟趙王倫相國掾遷太子洗馬河東裴遐共
齊羊酒詣門邀孝孫門吏疏名呈護軍護軍驚
曰諸名士何得來孝孫時以給府中養馬諸人
便就馬廐下炙羊飲酒醉飽而去竟不見護軍
護軍大驚即與孝孫長假

補

張憑舉孝廉出都負其才氣謂必參時彥欲詣
劉尹鄉里及同舉者共笑之張遂詣劉劉洗濯
料事處之下坐唯通寒暑神意不接張欲自發

無端頃之長史諸賢來清言客主有不通處張
乃遙於末坐判之言約旨遠足暢彼我之懷一
坐皆驚真長延之上坐清言彌日因留宿至曉
張退劉曰卿且去正當取卿共詣撫軍張還船
同侶問何處宿張笑而不答須臾真長遣傳教
覓張孝廉船同侶惋愕即同載詣撫軍至門劉
前進謂撫軍曰下官今日為公得一太常博士
妙選既前撫軍與之話言咨嗟稱善曰張憑勃
宰為理窟即用為太常博士

補謝公作宣武司馬屬門生數十人於田曹中郎

趙悅子

伏滔大司馬寮屬名曰悅字悅子悅子下邳人歷大司馬叅軍左衛將軍

以告宣武宣武云且為用半趙俄而悉用之曰

昔安石在東山搢紳敦逼恐不豫入事况今自

鄉選反違之邪

補

羅君章為桓宣武從事

含別傳曰刺史庾亮初命含為部從事桓溫臨

州轉叅軍

謝鎮西作江夏往檢校之

中興書曰尚為建武將軍江夏

相

羅既至初不問郡事徑就謝數日飲酒而還

桓公問有何事君章云不審公謂謝尚何似人

桓公曰仁祖是勝我許人君章云豈有勝公人

而行非者故一無所問桓公竒其意而不責也

卞範之為丹陽尹羊孚南州暫還往卞許云下

官疾動不堪坐卞便開帳拂褥羊徑上大林入

被須枕卞回坐傾睐移晨達莫羊去卞語曰我

以第一理期卿卿莫負我丘淵之文章錄曰範之字敬祖濟陰冤句

人祖喂下鄧太守父循尚書郎桓玄輔政範之遷丹陽尹玄敗伏誅

補蕭思話從太祖登鍾山北嶺中道有磐石清泉

上使於石上彈琴因賜以酒謂曰相賞有松石

問意沈約宋書曰蕭思話南蘭陵人孝懿皇后

官至鎮西將軍

補王僕射也儉高自標位常自比漢李膺時人呼儉

府為入芙蓉池嘗用庾杲之為衛軍長史謂人

曰昔袁公

也

作衛軍欲用我為長史雖不獲就

要是意向如此今亦應須我輩人也

按蕭緬與

府元僚寔難其選庾景行浪淥水依芙蓉何其麗也時以儉府為蓮花池故緬書美之

補

柳惔與兄悅小時齊名王僕射一日造世隆宅

南史曰世隆字彥緒河東解人父叔宗世隆幼孤挺然自立涉獵文史言吐溫潤位至尚書僕

射性清庶唯事墳典張緒問曰觀君舉措當以清名貽子孫耶答曰一身之外亦復何須子孫

不才將為爭府如其才也不如一經世隆謂為詣已及至門唯求

悅與惔遣謂世隆曰賢子俱有盛才一日見顧

今故報禮若仍相造似非本意恐年少窺人

寵禮

世隆有十六

十

補

曰柳世隆長子悅字文殊少有清致位中書郎
次子俊字文通好學工文尤曉音律少與兄悅
齊名仕至尚書左僕射

孔休源

梁書曰孔休源字慶緒會稽人自尚書
冲八世孫冲即愉之世父休源從沈麟

士受經梁臺建興劉之遴同為太學博士當時
以為美選後為晉安王長史加金紫光祿大夫

為晉安王長史

簡文初封

王深相倚仗嘗於齋

中別施一榻云此是孔長史坐

續世說曰昭明
太子亡後召休

源入宴居殿與羣公參定謀議立晉安王為太
子公卿珥貂挿筆奏決於休源前休源怡然無

愧時人名
為無天子

陶貞白隱茅山武帝每有征討大事輒先咨訪

月中常有數信時謂山中宰相

弘景傳曰弘景
家貧求宰縣不

補

遂永明十年止於句曲山曰此山下是第八洞
宮名金壇華陽之天周迴一百五十里昔漢有
咸陽三茅君得道來掌此山故謂之茅山乃中
山立館自號華陽隱居特愛松風庭院皆植松
每聞其響欣然為樂嘗謂門人曰吾見朱門廣
厦雖識其華樂而無欲住之心望高巖瞰大澤
知此難立止恒自欲就之武帝既早與之遊及
即位書問不絕弘景得神符秘訣以為神丹可
成而苦無藥物帝給黃金朱砂曾青雄黃等後
合飛丹色如霜雪帝服有驗益敬重之每得其
書焚香拜受二宮又侯王貴要相繼贈遺多不
納縱留者亦作功德大同二年卒顏色不變屈
伸如常香氣累
日氤氲滿山

李德林每贊平陳之計

隋書曰開皇八年以高

謂郎中薛道衡曰江東可克乎道衡曰克之郭
璞言江東分王三百餘年復興中國合今此數將
周一也主上恭儉勤勞叔寶荒淫驕侈二也國
之安危在所寄任彼以江總為相唯寧詩酒拔

補

七寶莊嚴公

至堅進爵為王明年稱帝

以馬鞭南指曰待平陳之後會以

韋綬在翰林

唐書韋貫之傳曰貫之八代祖負

郎有重名貫之伯兄綬德宗朝為翰林學士貞

元致有政多叅決於內署綬所議多合中道然畏

慎故不極其用心德宗嘗至其院韋妃從幸唐書

疾故不極其用心德宗嘗至其院韋妃從幸唐書
賢妃不知氏發所出貞元二會綬方寢學士鄭
年丹為賢妃六官師其德行
細欲馳告之帝不許時適大寒帝以妃蜀纈袍

覆而去

劉昫唐書曰鄭絪字文明少有奇志好學善屬文張叅蔣又楊綰常袞皆相知

重憲宗

朝拜中書侍郎集賢殿大學士絪以文

學進踐

歷華顯者四十年所居雖無赫奕稱而

守道敦篤

懿悅墳典與博聞好古之士為講論名理之游時人仰其耆德

補

令狐絢在翰林日夜對禁中帝命以乘輿金蓮

華炬送還院吏望見以為天子來俄傳呼曰學

士歸院

康駢劇談錄曰宣宗皇帝有宵衣旰食之懷不席竚賢每如不及令狐相國初

與學士

候對便以為有宰輔之才一夕於禁林

寓直忽有

中使召至便殿引於御榻之前上自

宣令坐問

卿來從江表見彼中昨庶安否廉察

郡守字入

求瘼之道如何朕常思四海之大九

州之廣雖

明君不能自理常須良弼賢佐邇來

竊窺朝廷

皆未覩其忠赤相國降階俯伏曰聖

意如此微

臣便合得罪上曰卿纔為翰林學士

所職者朕

之絲綸向來之言本不相及既而復

寵禮

上元省

十一

宣令坐以王杯斟酒賜之御林案上有書兩卷
指謂相國曰朕聽政之暇未嘗不披尋史籍此
先朝所述金鏡一卷則尚書大禹謨復問卿曾
讀金鏡否試舉其要相國抗聲而誦至亂未嘗
不任不肖理未嘗不任忠賢任忠賢則享天下
之福任不肖則受天下之禍上止之曰朕每讀
至此未嘗不三復後已書又云任賢勿貳去邪
勿疑是則欲致昇平當用此言為首相公拊舞
而稱曰先臣父每言金鏡垂裕可為萬古格言
自非聰明文思無以探其壺奧况堯舜禹湯之
道在典謨訓誥之間陛下不以黃屋為尊每觀
之於夙夜將欲擇賢舉善使庶績咸熙如此則
功冠百王事超三五矣上曰曩者仰卿材器今
日觀卿詞學臨軒立久之謂中使曰持燭送
學士歸院又還禁林夜漏將
半咸以近臣思澤殆無其比

補

錢文僖守西都

東都事略曰錢惟演字希聖幼
有俊才父倣使賦遠山詩有高

為天一柱秀作海三峯之句倣異之咸平中獻
所為文章擢知制誥惟演少富貴能志於學文

章與楊億劉筠齊名嘗曰學士備顧問不可不該博故其家聚書侔於秘府又多藏古書畫後以平章事判許謝希深龔明之中吳紀開曰謝州卒謚文僖

之子楊文公薦其才召充秘閣校理寶元初知鄧州自少而仕凡五十年自守不回而外亦不

甚異一時賢士大夫無不敬歐陽永叔東都事之子景初景溫皆為名儒

楊修字永叔吉州廬陵人舉進士試國子監禮部皆第一仁宗朝知制誥帝常目之曰如歐陽

修者何處得來後以觀文同在幕下一日游嵩幾學士太子少師致仕

山自潁陽歸暮抵龍門香山俄而雪作登石樓

望都城各有所懷希深書曰近詔書遣告嵩嶽

子聰分攝會尹師魯王幾道至是時秋清日陰晚花幽草虧蔽巖壁正當人力清壯加有朋簪

談燕之適升高躋險氣豪心果道徑差斗則腰輿以行薪幸未甚則芒躋以進抵叟極上院躋

封禪壇下賊羣峯乃向所跂望謂非揮翼不可
到者皆培塿焉邑居樓觀人物之夥視若蟻壤
又尋韓文公所謂石室詰盡東峰頂夕宿頂上
露下冷透骨髮明日訪歸路出登封西門道頽
陽縱望太室觀少室之美訪石堂山紫雲洞會
將雨而去題名蓋十有四處自長夏門入繞寂
輟一匝四百里可謂窮極勝覽矣今既還府忽
便有塵事侵汨急寫此奉報庶代一夕之談
於烟靄中有車馬渡伊水來既至則文僖遣厨
傳歌妓至傳公語曰山行良佳少留龍門賞雪
無遽歸也其高曠愛才如此周輝清波雜志曰
思公既貶漢東王
文康公曙代為留守一日訝幕客多遊責曰君
等自比寇萊公何如萊公尚坐著縱取禍况其
下者衆不敢對永叔取手板起立曰萊公之禍
不在杯酒在老不知退耳時文康年已高為之
動四座
偉之

任誕上

補鄭泉臨卒時語同輩曰必葬我陶家之側庶百

歲之後化而成土幸見取為酒壺實獲我心矣

吳書曰鄭泉字文淵陳郡人博學有奇志而性嗜酒仕吳官太中大夫使蜀先主問曰吳王何

以不答吾書得無以吾正名不宜乎泉曰曹氏凌轢漢室終奪其位殿下既為宗室有維城之

責不荷戈執及為海內率先而於是自名未合天下之議是以寡君未復書耳先主有慚色

補晉文帝大親愛阮嗣宗恒與談戲任其所欲不

迫以職事阮嘗從容言曾遊東平樂其土風願

得為東平太守文帝說從其意阮騎驢徑到郡

至則壞府舍諸壁障使內外相望然後教令清

寧十許日便復乘驢去

劉伶病酒渴甚從婦求酒婦捐酒毀器涕泣諫

曰君飲太過非攝生之道必宜斷之伶曰甚善

我不能自禁唯當祝鬼神自誓斷之耳便可具

酒肉婦曰敬聞命供酒肉於神前請伶祝誓伶

跪而祝曰天生劉伶以酒為名一飲一斛五斗

解醒

毛公注曰酒病曰醒

婦人之言慎不可聽便引酒進

肉隗然已醉矣

見竹林七賢論

劉伶恒縱酒放達或脫衣裸形在屋中人見譏

之伶曰我以天地為棟宇屋室為幃衣諸君何

為入我幃中

鄧縉晉紀曰客有請伶值其裸袒伶笑曰吾以天地為宅舍以屋宇

為幃衣諸君自不當入我幃中又何惡乎其自任若是

阮步兵喪母裴令公往吊之阮方醉散髮坐林箕踞不哭裴至下席於地哭吊唁畢便去或問裴凡吊主人哭客乃為禮阮既不哭君何為哭裴曰阮方外之人故不崇禮制我輩俗中人故以儀軌自居時人歎為兩得其中

名士傳曰阮籍喪親不率

常禮裴楷往吊之遇籍方醉散髮箕踞傍若無人楷哭泣盡哀而退了無異色其安同異如此戴逵論之曰若裴公之制吊欲冥外以護內有達意也有弘防也

阮公鄰家婦有美色當壚酤酒阮與王安豐常

從婦飲酒阮醉便眠其婦側夫始殊疑之伺察

終無他意

王隱晉書曰籍鄰家處子有才色未嫁而卒籍與無親生不相識徑往哭

之盡哀而去其達而無檢皆此類也

阮籍姁嘗還家籍見與別或譏之

曲禮姁叔不通問故譏之

籍曰禮豈為我輩設也

劉公榮與人飲酒雜穢非類人或譏之答曰勝公榮者不可不與飲不如公榮者亦不可不與飲是公榮輩者又不可不與飲故終日共飲而

醉

劉氏譜曰祖字公榮沛國人晉陽秋曰祖為人通達仕至兖州刺史

王安豐穎脫不持儀形好乘巴驥馬雖為三司

率爾私行巡省田園不從一人自以手巾挿腰

竹林七賢論曰戎故吏多大官相逢輒下道避之

阮仲容步兵居道南諸阮居道北北阮皆富南

阮貧七月七日北阮盛曬衣皆紗羅錦綺仲容

以竿挂大布犢鼻褌於中庭入或怪之答曰未

能免俗聊復爾耳

竹林七賢論曰諸阮前世皆儒學善居室唯咸一家尚道

棄事好酒而貧舊俗七月七日法當曬衣諸阮庭中爛然錦綺咸時總角乃豎長竿挂犢鼻褌

也

阮渾長成風氣韻度似父亦欲作達步兵曰仲

容已預之卿不得復爾

竹林七賢論曰籍之抑渾蓋以渾未識已之所

以為達也後咸兄子簡亦以曠達自居父喪行
遇大雪寒凍遂詣浚儀令為宅賓設黍臠簡
食之以致清議廢頓幾三十年是時竹林諸賢
之風雖高而禮教尚峻迨元康中遂至放蕩越
禮樂廣譏之曰名教中自有樂地何至於此樂
今之言有旨哉謂彼非玄心徒利其縱恣而已

阮仲容先幸姑家鮮卑婢及居母喪姑當遠移
初云當留婢既發定將去仲容借客驢著重服
自追之累騎而返曰人種不可失即遙集之母

也

竹林七賢論曰咸既追婢於是世議紛然自
魏末沉淪閭巷逮晉咸寧中始登王途阮乎

別傳

曰咸與姑書曰胡婢遂生胡兒姑答書曰
魯靈光殿賦曰胡人遙集於上楹可字曰遙集

也

故乎
字遙集

山季倫為荊州時出酣暢人為之歌曰山公時

一醉徑造高陽池日莫倒載歸茗芋無所知復

能乘駿馬倒着白接罹舉手問葛彊何如并州

兒高陽池在襄陽彊是其愛將并州人也襄陽記曰

漢侍中習郁於峴山南依范蠡養魚法作魚池池邊有高隄種竹及長楸芙蓉菱芡覆水是遊

燕名處也山簡每臨此池未嘗不大醉而還曰此是我高陽池也襄陽小兒歌之

祖車騎過江時公私儉薄無好服玩王庾諸公

共就祖忽見裘袍重疊珍飾盈列諸公怪問之

祖曰昨夜復南塘一出祖于時恒自使健兒敲

行劫鈔在事之人亦容而不問晉陽秋曰逖性通濟不拘小節

又賓從多是桀黠勇士士逖待之皆如子弟永嘉中流民以萬數揚土大飢賓客攻剽逖輒擁護

任延上

金衡談者以此少
之故久不得調

千古談者總一母生

桓宣武少家貧戲大輸債主敦求甚切思自振
之方莫知所出陳郡袁耽俊邁多能

袁氏家傳曰耽字彥

道陳郡陽夏人魏郎中令澄曾孫也魁梧爽朗
高風振邁少凋儻不羈有異才士人多歸之仕
至司徒從事中郎宣武欲求救於耽耽時居艱恐致疑

試以告焉應聲便許略無慊吝遂變服懷布帽
隨溫去與債主戲耽素有藝名債主就局曰汝
故當不辦作袁彥道邪遂共戲十萬一擲直上
百萬數投馬絕叫傍若無人探布帽擲對人曰
汝竟識袁彥道不

郭子曰桓公擣蒲失數百斛
米求救于袁耽耽在艱中便

云大快我心作采卿但大喚即脫其衰共出門
去覺頭上有布帽擲去著小帽既戲袁形勢呼
祖擲必盧雉二人齊叫
藏家頃刻失數百萬也

補

王孝孫早歲喪妻有一子貧無居宅惟畜露車
有牛一頭每行輒使御之暮則共宿車上常歎
曰滄海橫流處不安也

補

光孟祖避難渡江欲投胡毋彥國初至值彥國
與謝鯤諸人散髮裸袒閉室酣飲已累日孟祖
將排戶守者不聽孟祖便於戶外脫衣露頭於
狗竇中窺之而大呼彥國驚曰他人決不能爾
必我孟祖遽呼入與飲時人謂之八達

晉書曰
先達字

孟祖樂安人也初為博昌小吏縣令使送客冒寒舉體凍濕還遇令不在解衣炙之入令被中卧令還大怒將加嚴罰急曰家貧衣單沾濕無可代若不暫溫勢必凍死奈何惜一被而殺一人乎令奇而釋之後舉孝廉元帝以為軍諮祭酒

任愷既失權勢不復自檢括或謂和嶠曰卿何以坐視元哀敗而不救和曰元哀如北夏門拉

擲自欲壞非一木所能支

晉諸公贊曰愷字元哀樂安博昌人有誰

識國幹萬機大小多綜之與賈充不平充乃啓愷掌吏部又使有司奏愷用御食器坐免官世祖情遂薄焉

補

胡毋彥國至湘州爾時三伏中彥國坐正衙搖扇視事其子子光從容顧語曰彥國復何為自

貽伊戚

晉陽秋曰彥國子謙之字子光

劉道真少時嘗漁草澤善歌嘯聞者莫不留連
有一老嫗識其非常人甚樂其歌嘯乃殺豚進
之道真食豚盡了不謝嫗見不飽又進一豚食
半餘半廼還之後為吏部郎嫗兒為小令史道
真超用之不知所由問毋毋告之於是齎牛酒
詣道真道真曰去去無可復用相報

阮宣子常步行以百錢挂杖頭至酒店便獨酣

暢雖當世貴盛不肯詣也

名士傳曰阮脩字宣子陳留尉氏人好老

易能言理性簡任不喜見俗人時誤相逢即舍去傲然無營家無儋石之儲晏如也瑯邪王處

補

宋禕是石崇妓綠珠弟子有國色善吹笛後在

仲為鴻臚卿謂曰鴻臚丞差有祿卿常無食能作不修曰為復可耳遂為鴻臚丞太子洗馬

晉明帝宮帝疾患危篤羣臣進諫請出宋禕時朝賢悉見帝曰卿諸人誰欲得者衆人無言阮遥集時為吏部尚書對曰願以賜臣帝即遣出與之

張季鷹縱任不拘時人號為江東步兵或謂之

曰卿乃可縱適一時獨不為身後名邪答曰使

我有身後名不如即時一杯酒

文士傳曰翰任性自適無求當

世時人貴其曠達

畢茂世云一手持蟹螯一手持酒杯拍浮酒池

中便足了一生晉中興書曰畢卓字茂世新蔡人少傲達為胡毋輔之所知太

興末為吏部郎嘗飲酒廢職比舍郎釀酒熟卓因醉夜至其甕間取飲之主者謂是盜執而縛

之知為吏部也釋之卓遂引主人燕甕側取醉而去溫嶠素知愛卓請為平南長史卒

賀司空入洛赴命為太孫舍人經吳閶門在船

中彈琴張季鷹本不相識先在金閶亭聞絃甚

清下船就賀因共語便大相知說問賀卿欲何

之賀曰入洛赴命正爾進路張曰吾亦有事止

京因路寄載便與賀同發初不告家家追問迺

知賀循別傳曰循字彥先會稽山陰人本姓慶高祖純避漢帝諱改為賀氏父劭吳中書令

以忠正見害循少嬰家禍流放荒裔吳平乃還秉節高舉元帝為安東王循為吳國內史

鴻臚卿孔羣好飲酒王丞相謂云卿何為恒飲酒不見酒家覆瓿布日月糜爛羣曰不爾不見糟肉乃更堪久羣嘗書與親舊今年田得七百斛秫米不了麴蘖事

有人譏周僕射與親友言戲穢雜無檢節

鄧粲晉紀

曰王導與周顗及朝士詣尚書紀瞻觀伎瞻有愛妾能為新聲顗於眾中欲通其妾露其醜穢
顏無作色有司奏
免顗官詔特原之
周曰吾若萬里長江何能不

千里一曲

王長史謝仁祖同為王公掾

王藻別傳曰丞相王導辟名士時賢

補

協贊中興旌命所加長史云謝掾能作異舞謝

便起舞神意甚暇

晉陽秋曰尚性通任善音樂語林曰謝鎮西酒後於槃案

間為洛市肆工鵠鵠舞甚佳

王公熟視謂客曰使人思安豐

戒性通任尚類之

謝鎮西著紫羅襦據胡牀在大市佛圖門樓上

彈琵琶作大道曲

溫太真位未高時屢與揚州淮中估客檣蒲與

輒不競嘗一過大輸物戲屈無因得反與庾亮

善於舫中大喚亮曰卿可贖我庾即送直然後

得還經此數四

中興書曰嶠有偽朗之目而不拘細行

任延上

世說補

二

溫公喜慢語下令禮法自居

卞壹別傳曰壹正色立朝百寮震懾

貴遊子弟莫不祗肅

至庾公許大相剖擊溫發口鄙穢庾

公徐曰太真終日無鄙言

重其連也

周伯仁風德雅重深達危亂過江積年恒大飲

酒嘗經三日不醒時人謂之三日僕射

晉陽秋曰初額

以雅望獲海內盛名後屢以酒失庾亮曰月侯末年可謂鳳德之衰也語林曰伯仁正有姊喪

三日醉姑喪二日醉大損資望每醉諸公常共屯守

蘇峻亂諸庾逃散庾冰時為吳郡單身奔亡民

吏皆去唯郡卒獨以小船載冰出錢塘口蘆篠

覆之時峻賞募覓冰屬所在搜檢甚急卒捨船

市渚因飲酒醉還舞棹向船曰何處覓庾吳郡
此中便是冰大惶怖然不敢動監司見船小裝
狹謂卒狂醉都不復疑自送過淞江寄山陰魏
家得免中興書曰冰為吳郡蘇峻作後事平冰
欲報卒適其所願卒曰出自廝下不願名器少
苦執鞭恒患不得快飲酒使其酒足餘年畢矣
無所復須冰為起大舍市奴婢使門內有百斛
酒終其身時謂此卒非唯有智且亦達生

殷洪喬作豫章郡

殷氏譜曰美字洪喬陳郡人父識鎮東司馬美仕至豫章

太守臨去都下人因附百許函書既至石頭悉擲

水中因視曰沉者自沉浮者自浮殷洪喬不能作致書郵

王光祿云酒正使人入自遠周陔隆安記曰王

興父豫司徒左長史風流標望蘊為鎮軍將軍亦得世譽續晉陽秋曰蘊素嗜酒末年尤甚及

在會稽畧必醒日

桓車騎在荊州張玄為侍中使至江陵路徑陽

岐村村臨江去荊州二百里俄見一人持半小籠生魚徑

來造船云有魚欲寄作膾張乃維舟而納之問

其姓字稱是劉遺民中興書曰劉麟之一字遺民張素聞其

名大相忻待劉既知張銜命問謝安王文度並

佳不張甚欲話言劉了無停意既進膾便去云
向得此魚觀君船上當有膾具是故來耳於是
便去張乃追至劉家為設酒殊不清旨張高其
人不得已而飲之方共對飲劉便先起云今正
伐荻不宜久廢張亦無以留之

桓子野每聞清歌輒喚柰何謝公聞之曰子野
可謂一往有深情

王劉共在杭南酣宴於王子野家謝鎮西往尚

書墓還

謝氏譜曰謝裒字幼儒陳郡人父衛
博士裒歷侍中吏部尚書吳國內史葬

後三日反哭諸人欲要之初遣一信猶未許然

已停車重要便回駕諸人門外迎之把臂便下

裁得脫幘着帽酣宴半坐乃覺未脫袞宋明帝文章志

曰尚性輕率不拘細行兄薨後往墓還王濛劉惔共遊新亭濛欲招尚先以問惔曰計仁祖正

當不為異同耳惔曰仁祖韻中自應未乃違要之尚初辭然已無歸意及母請即曰軒馬其率

此如

世說新語補卷之十六

世說新語補卷之十七

任誕下

王子猷居山陰夜大雪眠覺開室命酌酒四望

皎然因起徬徨詠左思招隱詩

中興書曰微之任性放達棄官

東歸居山陰也左詩曰杖策招隱士荒塗橫古今巖穴無結構丘中有鳴琴白雪傳陰風丹葩

曜陽忽憶戴安道時戴在剡即便夜乘小船就

之經宿方至造門不前而返人問其故王曰吾

本乘興而行興盡而返何必見戴

王衛軍云酒正自引人著勝地

王子猷出都尚在渚下舊聞桓子野善吹笛而

不相識遇桓於岸上過王在船中客有識之者
云是桓子野王便令人與相聞云聞君善吹笛
試為我一奏桓時已貴顯素聞王名即便回下
車踞胡牀為作三調弄畢便上車去客主不交
一言

桓南郡被召作太子洗馬

玄別傳曰玄初拜太子洗馬時朝廷以溫

有不臣之迹故抑玄為素官

船泊荻渚王大服散後已小醉

往看桓桓為設酒不能冷飲頻語左右令溫酒
來桓乃流涕嗚咽王便欲去桓以手巾掩淚因
謂王曰犯我家諱何預卿事

晉安帝紀曰玄哀樂過人每歡感之

哉未嘗不王歎曰靈寶故自達異苑曰玄生而

至鳴咽者云此兒生有奇耀宜目為天人宣武嫌其三

文復言為神靈寶猶復用三既難重前卻減神

一字名曰靈寶語林曰玄不立忌

日止立忌時其達而不拘皆此類

羅友作荊州從事桓宣武為王車騎集別王治

也友進坐良久辭出宣武曰卿向欲容事何以

便去答曰友聞白羊肉美一生未曾得喫故冒

求前耳無事可容今已飽不復須駐了無慚色

晉陽秋曰友字宅仁襄陽人少好學不持節檢

性嗜酒當其所遇不擇士庶又好伺人祠徃乞

飲食雖復營署廬肆不以為羞桓溫常責之云

君太不逮須食何不就身求乃至於此友傲然

不屑答曰就公乞食今乃可得明日已復無溫

大楚之始仕荊州後在溫府以家貧乞祿溫

任誕下

以才學遇之而謂其誕肆非治民才許而不用
後同府人有得郡者溫為席起別友至充晚問
之衣答曰民性飲道嗜味非奉教吉乃是首旦
出門於中路逢一鬼大見椰榆云我只見汝送
入作郡何以不見人送汝作郡民始怖終斷回
還以解不覺戎淹緩之罪溫雖笑其滑稽而心
頗愧焉後以為襄陽太守累遷廣益二州刺史
在藩舉其宏綱不存小案甚為吏民所安說薨
於益州

張麟

麟張湛小字也晉東宮官名曰湛字處度
高平人張氏譜曰湛祖嶷正負外父曠鎮

軍司馬湛仕
至中書郎

酒後挽歌甚悽苦桓車騎曰卿非

田橫門人何乃頓爾至致

譙子法訓云有喪而
歌者或曰彼為樂喪

也有不可乎譙子曰書云四海遇密八音何樂
喪之有曰今喪有挽歌者何以哉譙子曰周聞
之蓋高帝召齊田橫至尸鄉亭自刎奉首從者
挽三於宮不敢哭而不勝哀故為歌以寄哀音

彼則一時之為也鄰有喪春不相引挽人街校
孰樂喪者耶按莊子曰紼謳所生必於斤苦司
馬彪注曰紼引柩索也斤疏緩也苦用力也引
紼所以有謳歌者為人有用力不齊故促急之
也春秋左氏傳曰魯哀公會吳伐齊其將公孫
夏命歌虞殯杜預曰虞殯送葬歌示必死也史
記絳侯世家曰周勃以吹簫樂喪然則挽歌之
來久矣非始起於田橫也然燕氏引禮之文頗
有明據非固陋者所能詳
聞疑以傳疑以俟通博

王孝伯問王大阮籍何如司馬相如王大曰阮

籍曾中壘塊故須酒澆之

言阮皆同相如而飲酒異耳

王佛大歎言三日不飲酒覺形神不復相親

晉安

帝紀曰忱少慕達好酒在荊州轉甚一飲或至連日不醒遂以此死宋明帝文章志曰忱嗜酒醉輒經日自號上頓世嘖以大飲為上頓起自忱也

王孝伯言名士不必須奇才但使常得無事痛飲酒熟讀離騷便可稱名士

王長史登茅山大慟哭曰琅邪王伯輿終當為

情死

王氏譜曰廢字伯輿琅邪人父蒼衛將軍廢歷司徒長史周祇降安記曰初王恭將

唱義使喻三吳廢居喪拔以為吳國司史國寶既死恭罷兵令廢反喪服廢大怒即日據吳都

以數恭使司馬劉牢之討廢廢敗不知所在

補 陶靖節在家郡將候陶值其酒熟取頭上葛巾

漉酒漉畢還復着之

補 陶淵明為彭澤令公田三百畝悉令吏種秫稻

妻子固請種秔乃使二頃五十畝種秫五十畝

種杭

補

王敬弘為尚書僕射關署文案初不省讀嘗豫聽訟上問以疑獄敬弘不對上變色問左右何故不以訊牒副僕射敬弘曰臣乃得訊牒讀之政自不解

補

顏延之不能取容當世宋文帝傳詔召之頻不肯詣常日但入酒店裸袒挽歌了不應對他日醉醒入見帝帝問以諸子才能延之曰竣得臣筆測得臣文彛得臣義躍得臣酒何尚之因問誰得卿狂答曰其狂不可及

南史曰竣早有文義有文集行於世

後弟測亦以文章見知官至江夏王大司馬錄事參軍梁明帝時擢為中書侍郎

補

謝康樂因父祖之資生業甚厚奴僕既衆義故

門生數百鑿山浚河功役無已尋山陟嶺必造

幽峻巖嶂千重莫不遍歷登躡常着木屐上山

則去前齒下山去其後齒嘗自始寧南山伐木

開逕直至臨海從者數百人臨海太守王琇驚

駭謂是山賊徐知是靈運乃安

沈約宋書曰靈運要琇更進琇

不肯靈運贈詩曰邦君難地險旅客易山行靈運後在會稽亦多徒衆驚動縣邑

補

袁尹踈放好酒嘗步屨白楊郊野間道遇一士

人便呼與酣飲明日此人謂被知遇詣門求通

補

袁曰昨日飲酒無偶聊相邀爾勿復為煩

謝長史性通脫會意便行嘗預樂遊苑宴不得

醉而還因詣道邊酒鑪停車褰幔與車前三騶

對飲觀者如堵謝處之自若南史曰謝幾卿靈

也十二補國子生齊文惠太子自臨策試謂王

儉曰幾卿本長玄理今以經義訪之儉承旨發

問幾卿辯釋無滯文惠大稱賞焉儉謂之曰謝

超宗為不死矣及長博學有文梁天監中至左

補

陳暄文才俊逸而沉湎過度兄子秀致書止之

暄答曰速營糟丘吾將老焉南史曰暄義興國

司二州刺史暄又才俊逸嗜酒無節操兄子秀

常憂暄飲酒過多致書於暄友人何胥冀其諷

諫暄與秀書曰見汝書與孝典陳吾飲酒過差
吾有此好五十餘年昔吳國張公亦稱能者吾
見張公時已六十自言引滿大勝少年吾今所
進亦勝於往日老而彌篤唯吾與張季舒耳吾
方與此子交歡地下汝欲天我此志耶昔阮咸
阮籍同遊竹林宣子不明斯言王湛能言巧
騎武子呼為痴叔何陳留之風不嗣太原之氣
嶷然翻成可恠吾既寂寥當世朽病殘年產不
異於顏原名未動於卿相若不以飲醇酒復欲
安歸汝以飲酒為非吾以不飲為過昔周伯仁
渡江唯三日醒吾不以為少鄭康成一日三百
盃吾不以為多吾嘗譬酒猶水也可以濟舟亦
可以覆舟故江諮議有言酒猶兵也兵不可日
而不用不可一日而不備酒可千日而飲不
可一飲而不醉美哉江公可與論酒矣汝驚吾
墜車侍中之門臨地武陵之第遍匝朝野自言
憔悴丘也幸苟有過人必知之吾平生所願身
沒之後題吾墓云陳故酒徒陳君之神道若斯
志意豈避南征之不復賈誼之慟哭者哉何水
曹眼不識孟鑑吾口不離瓢杓汝寧與何同日

補

而醒與吾同日而醉乎政言其醒可及其醉不可及也後主用為散騎常侍以事發恃死

齊神武

北史曰齊高祖神武皇帝姓高氏諱歡渤海修入仕魏為丞相百戰而剪凶徒

尊主匡國功濟天下卒備九錫殊禮謚獻武王天統元年改謚神武

欲用李元忠

為僕射

李白藥齊書曰李元忠趙郡平棘人少屬志操粗覽書史神武建義拜侍中雖

處要任不以物務于懷大率常醉家事大小了不開心園庭羅種果藥親朋尋請必留連宴賞

挾彈携壺遊遨里閭每言寧無食不可使我無酒阮步兵兵吾師也孔少府豈欺我哉後自中書

令復求為太常卿以其有音樂而多美酒也

文襄言其常醉

北史曰文襄帝

諱澄神武長子

不可委以臺閣其子搔聞之請元忠節

飲元忠曰我言作僕射不勝飲酒樂爾愛僕射

宜勿飲酒

齊書曰搔字德沉時人稱有思理終於儀曹郎

任誕下

世說新語

六

補張思光居常歎曰不恨我不見古人所恨古人

不見我

補王無功待詔門下省故事官給酒日三升或問

待詔何樂耶無功答曰良醞可應耳侍中陳叔

達聞之日給一斗時號斗酒學士

劉昫唐書曰陳叔達字子

聰陳宣帝第十六子也善容止有才學在陳封義陽王年十餘歲嘗侍宴賦詩十韻援筆便就

僕射徐陵甚奇之入隋久不得調武德四年拜侍中

補韓朝宗為山南採訪

柳子厚先友記曰韓會字朝宗昌黎人善清言有文

章名最高然以故多謂孟浩然深閑詩律冥諸謗三起居郎貶官卒

周行必詠穆如之誦

雅詩曰吉甫作誦穆如清風

因入奏挾

與俱行先揚于朝約日引謁會浩然有故人至

劇飲歡甚或言與韓公約不當後期浩然叱曰

業已飲矣身行樂耳遑恤其他漢楊惲南山種

樂耳頃富遂畢飲不赴王士源浩然集序曰孟

貌淑清風神嚴朗救患釋紛以立義表灌蔬藝

竹以全高尚交遊之中通脫傾蓋機警無匿學

不為儒務掇菁藻文不按古匠

心獨妙五言詩天下稱其盡美

韓熙載肆情坦率不持名檢售妓樂百數人日

與荒樂所得月俸散與諸姬熙載弊衣芒屨作

補

瞽者持獨絃琴俾舒雅執板挽之馬令南唐書

人姿容秀發以才思自命嘗因隨計以所學獻

於熙載一見如疇昔雅性巧黠應答如流熙載

任誕下

與之出入卧内常與雅易服燕戲豫雜侍婢入
未念酸以為笑樂或云熙載所著格言半雅之

詞迨熙載知貢舉以雅為第一隨房乞食以為
朝野無間者以雅之才為當也

笑樂顯不防閑婢妾有北齊徐之才之風侍兒
往往私客客賦詩有最是五更留不住

向人枕畔看衣裳之句熙載亦不介意

補何承裕為蓋屋咸陽二縣令醉則露首跨牛趨

府往往召豪吏接坐引滿吏因醉挾私白事承

裕笑曰此見罔也當受杖杖訖復召與飲文苑傳曰

承裕有清才好為歌詩嗜酒狂逸初為中都主簿桑惟翰鎮兗州知其真率不責以吏事官著

作佐郎出為蓋屋咸陽令醉則露首跨牛趨府府尹王彥昭以其名士容之

補喻明仲妙於長笛持節數郡每出按行至山水

佳處馬上臨風輒快作數弄

墨莊漫錄曰喻陟字明仲睦州人持

節數郡政績藹著雅善散隸尤妙長笛嘗有馬上吹笛詩張芸叟和之

補

蘇子瞻在黃州及嶺外每旦起不招客與語必出訪客所與遊亦不盡擇各隨其人高下談諧放蕩不復為畛畦有不能談者則彊之使說鬼或辭無有則曰姑妄言之

簡傲

補

世祖幸嚴子陵館子陵卧不起帝撫其腹曰咄咄子陵不可相助為理耶子陵不應良久張目熟視曰昔唐堯著德巢父洗耳士故有志何至

相迫乎帝曰子陵我竟不能下汝耶歎息升與

而去

補

十月朝黃祖在艨艟舟上

釋名曰外狹而長曰艨艟以衝突敵船

會設黍臠衡年少在坐

後漢書曰衡往見操看布單衣踈巾手持三尺

棧杖坐大營門以杖箠地大罵操曰禰衡豎子

孤殺之猶雀鼠耳顧此人素有虛名遠近將謂

孤不能容之今送與劉表視當何如表及荊州

士大夫先服其才名甚賓禮之文章言議非衡

不定表嘗與諸文人其草章奏並極其才思時

衡出還見之開省未周因毀以抵地表憮然為

駭衡乃從求筆札須臾立成辭義可觀表大悅

益重之復復侮慢於表表恥不能容以江夏太

守黃祖性急故送衡與之祖亦善待焉衡為作

書記輕重踈密各得體宜祖持其手曰處士此

正得祖意如祖腹中之所欲言也祖長子射為

章陵太守尤善於衡嘗與衡俱遊共讀蔡邕所

作碑文射受其辭還恨不繕寫衡曰吾雖一覽猶能識之唯其中石缺二字為不明耳因書出之射馳使寫碑還校如衡所書莫不嘆服射侍大會賓客人有獻鸚鵡者射舉厄於衡曰願先生賦之以娛嘉賓衡攬筆而作文無加點辭未甚麗後黃祖在矚衡舡上大會賓客而衡言不遜順祖慙乃訶之衡更熟視曰死公云等通祖大怒令五伯將出欲加箠衡方大罵祖志遂令之殺

黍臠至衡先自飽食都不顧衆賓唯舉搏以

弄戲

補衡別傳曰時江夏有張伯雲亦在坐謂之曰禮教云何而食此正平不答弄黍如

故祖曰處士不當答之也衡謂祖曰君子寧聞車前馬槽祖呵之衡熟視祖罵曰死鍛錫公黃怒令五伯將出欲校之而罵不止遂令絞殺射來救無所復及悽愴流涕曰此有異才操又劉荆州不殺大人奈何殺之祖曰入罵汝父作鍛錫公奈何不殺

補孫子荆為石苞驃騎參軍既負其才氣又侮易

苞初至不拜但長揖直語苞曰天子命我參卿

軍事

晉書曰石苞字仲客渤海南皮人雅曠有智局初販鐵於鄴市市長趙元儒名知人

嘆苞遠量當至公輔由是知名官至驃騎將軍大司馬

王戎弱冠詣阮籍時劉公榮在坐阮謂王曰僕

有二斗美酒當與君共飲彼公榮者無預焉二

人交觴酬酢公榮遂不得一括而言語談戲三

人無異或有問之者阮答曰勝公榮者不得不

與飲酒不如公榮者不可不與飲酒唯公榮可

不與飲酒

晉陽秋曰戎年十五隨父渾在郎舍阮籍見而說焉每適渾俄頃輒在戎

室久之乃謂渾攄攄清尚非卿倫也戎嘗詣籍共飲而劉昶在坐不與焉昶無恨色既而戎問

籍曰彼為誰也曰劉公榮也濬冲曰勝公榮故
與酒不如公榮不可不與酒唯公榮者可不與
酒竹林七賢論曰初籍與戎父渾俱為尚書郎
每造渾坐未安輒曰與卿語不如與阿戎語就
戎必曰夕而返籍長戎二十歲相得如時輩劉
公榮通士性尤好酒籍與戎酬酢終日而公榮
不蒙一榻三人各自得也戎為物論所先皆此類

鍾士季精有才理先不識嵇康鍾要于時賢俊
之士俱往尋康康方大樹下鍛向子期為佐鼓
排康揚槌不輟傍若無人移時不交一言鍾起
去康曰何所聞而來何所見而去鍾曰聞所聞
而來見所見而去文士傳曰康性絕巧能鍛鐵
夏天甚清涼恒居其下傲戲乃身自鍛家雖貧
有人說鍛老康不受直唯親舊以鷄酒往與共

飲暇清言而已魏氏春秋曰鍾會為大將軍兄弟所驅聞康名而造焉會名公子以才能貴幸乘肥衣輕賓從如雲康方箕踞面鍛會至不為之禮會深銜之後因呂安事而遂諧康焉

嵇康與呂安善每一相思千里命駕晉陽秋曰安字中悌

東平人冀州刺史招之第二子志量開曠有拔俗風氣于寶晉紀曰初安之交康也其相思則

率爾安後來值康不在喜出戶延之不入晉百命駕

曰嵇喜字公穆歷揚州刺史康兄也阮籍遭喪往吊之籍能為青白眼見凡俗之士以白眼對

之乃喜往籍不哭見其白眼喜不擇而退康聞之乃齋酒挾琴而造之遂相與善于寶晉紀曰

安嘗從康或遇其行康兄喜拭席而待之弗顧獨坐車中康母就設酒食求康兄共語戲良久

則去其輕貴如此題門上作鳳字而去喜不覺猶以為

欣故作鳳字凡鳥也許慎說文曰鳳神鳥也從鳥凡聲

陸士衡初入洛客張公所宜詣劉道真是其一
陸既往劉尚在哀制中性嗜酒禮畢初無他言
唯問東吳有長柄壺盧卿得種來不陸兄弟殊
失望乃悔往

王平子出為荊州

晉陽秋曰惠帝時太尉王夷甫言於選者以弟澄為荊州

刺史從弟敦為青州刺史澄敦俱詣太尉辭太尉謂曰今王室將卑故便弟等居齊楚之地外

可以建霸業內足以匡

帝室所望於二弟也王太尉及時賢送者傾

路時庭中有大樹上有鵲巢平子脫衣巾徑上
樹取鵲子涼衣拘闔樹枝便復脫去得鵲子還
下弄神色自若傍若無人

鄧粲晉紀曰澄放蕩不拘時謂之達

補

高坐道人於丞相坐恒偃卧其側見下令肅然

改容云彼是禮法人

高坐傳曰王公會詣和上解帶偃伏悟言神解

見尚書令卞望之便歛衿飾容時嘆皆得其所

王子猷為桓冲參軍嘗從行值雨因下馬步入冲車中曰公豈得獨擅一車

謝公嘗與謝萬共出西遇吳郡阿萬欲相與共

萃王恬許

恬時為吳郡太守

太傅云恐伊不必酬汝意

不足爾萬猶苦要太傅堅不回萬乃獨往坐少時王便入門內謝殊有欣色以為厚待已良久乃沐頭散髮而出亦不坐仍據胡牀在中庭曬

補

頭神氣傲邁了無相酬對意謝於是乃還未至

船逆呼太傅安曰阿螭不作爾

王恬少字螭虎

王恭欲請江廬奴為長史晨往詣江江猶在帳

中王坐不敢即言良久乃得及江不應

廬奴江

也晉安帝紀曰數字仲凱濟陽人祖正散騎常侍父勳僕射並以義正器素知名當世數歷位

門內外簡退著稱歷黃

直喚人取酒自飲一盃又

不與王王且笑且言那得獨飲江云卿亦復須

邪更使酌與王王飲酒畢因得自解去未出戶

江歎曰人自量固為難

宋書曰數即湘州江夷之父也夷字茂遠湘州

史刺

簡敬

世說補

卷

王子猷作桓車騎騎兵叅軍桓問曰卿何署答

曰不知何署時見牽馬來似是馬曹中興書曰桓冲引徽

之為叅軍蓬首散桓又問官有幾馬答曰不問

馬何由知其數論語曰厖焚孔子退朝曰傷人乎不問馬注貴人賤畜故不問

也又問馬比死多少答曰未知生焉知死論語曰子

路問死孔子曰未知生焉知死馬融注曰死事難明語之無益故不答

王子猷作桓車騎叅軍桓謂王曰卿在府久比

當相料理初不答直高視以手版拄頰云西山

朝來致有爽氣

王子猷嘗行過吳中見一士大夫家極有好竹

主已知子猷常往乃洒掃施設在聽事坐相待
王肩輿徑造竹下諷嘯良久主已失望猶冀還
當通遂直欲出門主人大不堪便令左右閉門
不聽出王更以此賞主人乃留坐盡歡而去
謝萬北征常以嘯詠自高未嘗撫慰衆士謝公
甚器愛萬而審其必敗乃俱行從容謂萬曰汝
為元帥宜數喚諸將宴會以說衆心萬從之因
召集諸將都無所說直以如意指四坐云諸君
皆是勁卒諸將甚忿恨之謝公欲深著恩信自
隊主將帥以下無不身造厚相遜謝及萬事敗

軍中因欲除之復云當為隱士故幸而得免

補陶徵士居家此貴賤造之有酒輒設陶若先醉

便語客我醉欲眠卿可去

補王敬弘嘗往何氏看女

南史曰敬弘女適何尚之弟述之

值尚

之不在寄齋中卧俄頃尚之還敬弘使二婢守閣不聽尚之前直語云正熱不堪相見君可且去尚之遂移於他室

補謝諛不妄交接門無襍賓有時獨醉嘗曰入吾

室者但有清風對吾飲者唯當明月

南史曰謝諛祖莊金

紫光祿大夫父肅尚書令諛仕至右光祿大夫

補

高爽嘗經晉陵詣劉舊了不相接高甚銜之俄
爽代舊為縣舊迎贈甚厚爽受餉答書云高晉
陵自答人問其故爽曰劉舊自餉晉陵令耳何

關爽事

南史曰高爽廣陵人博學多才坐事被
繫作鱣魚賦以自況其文甚工後遇赦

得免

補

范曄善彈琵琶能為新聲宋武帝欲聞之屢諷
以徵旨偽為不曉終不肯彈一日因飲宴歡適
謂曄曰我欲歌卿可彈曄乃奉旨上歌既畢曄
亦罷絃

補

張思光嘗詣吏部尚書何戢誤通尚書劉澄融

簡傲

七言補
下

下車入門曰非是至戶外望澄又曰非是既造

席視澄曰都自非是乃去南史曰何戡字惠景吏部尚書偃子美容

儀動止官至吏部尚書驍騎將軍

補

梁武帝與何子皙有舊及踐祚手詔論舊賜鹿

皮巾召見恩禮甚厚詔徵為侍中子皙以手捋

帝鬚曰乃欲臣老子耶辭疾不起

補

張吏部南史曰張纘字伯緒范陽方城人衛尉卿弘策子也眉目踈朗神采爽發性好

學兄緬有書萬卷晝夜披讀不去手歷官吏部郎與何敬容意趣不協

敬容居權軸賓客輻輳有過詣吏部者輒拒不

前曰吾不能對何敬容殘客南史曰何敬容字國禮弱冠尚齊武

帝女天監中為建安內史清公有義績累遷吏部尚書侍中僕射叅掌大選專預機密而通苞苴賄賂為時所鄙

補

劉瓛譙率通美不以高名自居遊詣故人唯一

門生持胡牀隨後主人未通便坐問答

補

齊神武東出李元忠以路車載素箏濁酒奉迎

神武聞其酒客未即見之元忠下車獨坐酌酒

擘脯食之謂門者曰本言公招延英傑今聞國

士到門不吐哺輟洗

史記曰酈生入謁沛公方

酈生酈生日必聚徒合義兵誅無道秦不宜倨見長者於是沛公輟洗起攝衣延酈生上坐謝

其人可知還吾刺勿復通也門者以告神武

簡傲

世說新語

十一

遽見之

補

崔瞻在御史臺恒於宅中送食備盡珍羞別室

獨餐處之自若有一御史姓裴伺瞻食便往造

焉瞻不與交言又不命匕筯裴坐視瞻食罷而

退明日裴自携匕筯恣情飲瞰瞻方謂裴曰我

初不喚君食亦不共君語君遂能不拘小節昔

劉毅在京口冒請鵝炙豈亦異是君定名士於

是每與之同食

晉書曰劉毅字希樂彭城沛人少有大志不修家人產業拒玄

篡位與劉裕何無忌等起義兵以匡復功歷都督揚豫五郡諸軍事封南平郡公遷開府儀同

三司初毅甚屯宴在京日先就府借東堂與親故出射江州刺史吏悅後與僚佐徑來詣堂毅

告之曰穀輦屯否之人合一射甚難君於諸堂
並可望以今日見讓悅不許射者皆散唯穀留
射如故既而悅食鵝穀求其餘悅又不答穀常
銜之義熙中故奪悅豫章解其軍府使人微示
其旨悅忿懼而死

補

柳季雲性不拘檢好彈琴飲酒北史曰柳玄達

從諮議參軍子絳絳弟遠子季雲粗放無拘每

出返家人問有何消息答曰無所聞縱聞亦不

解按北史玄達父子不立傳附裴叔業傳中何

季雲入簡牘可笑子弱冠遊雲間元朗倒屣締

忘年之知非故暴其所短要當為是書之忠臣

毋令重誤千載爾

補

孫騰北史曰騰字龍雀咸陽石安人少質直明

簡傲解吏事為齊神武都督長史神武深信待

之寄以心腹與高岳高隆之司馬子如號司馬

四貴非法專恣騰為甚焉歷官尚書僕射

子如李百藥齊書日子如字遵業河內溫人從

右參知軍國嘗共詣李元忠逢其方坐樹下擁被對

壺庭室蕪曠使婢卷兩褥以質酒徐謂二人曰

不意今日披藜藿也北史曰元忠每言於執事云年漸遲暮乞在閒穴以

養餘年孫騰司馬子如嘗詣元忠逢其方坐樹下葛巾擁被對壺獨酌庭室蕪曠使婢卷兩褥

以質酒肉呼妻出衣不曳地二公相視嘆息而去大餉米絹受而散之

補許敬宗見人多忘之唐書曰敬宗字延族杭州新城人隋禮部侍郎善心

子也幼善屬文太宗召補秦府學士歷官檢校中書侍郎高宗立武昭儀敬宗特資成其計加太子賓客或謂其不聰曰卿自難記若遇何劉進封郡公

沈謝

何謂遜劉謂孝綽沈謂約謝謂眺也梁典曰沈約字休文吳興武康人少為蔡興宗

所知引為安西記室梁興稍遷侍中丹陽尹南史曰約博物洽聞當世取則謝玄暉善為詩任

彥昇工於筆約無而有之暗中摹索亦可識

杜審言將死語宋之問武平一

唐詩記事曰武平一名甄以字

行武后時畏禍隱嵩山中宗雖宴豫常因詩規戒然不能卓然自引去明皇時終亦被謫雖謫

而名曰吾在父壓公等今日且死固大慰但恨不

見替人

孔平仲續世說曰杜審言甫之祖也恃才蹇傲為時輩所疾登封中蘇味道為

天官侍郎審言預選試判訖謂入曰味道必死

人問其故審言曰見吾判自當羞死又謂人曰吾之文章合得屈宋作衙官吾之書迹合得王羲之北面其矜誕如此

補南唐嚴續嘗請韓熙載撰其父神道碑

南唐書曰續字

興宗父可求吳相續少長貴勢性恭恪宋齊丘
用事守正不為黨附累官門下侍郎自以少貴
倦學羣從子弟以珍貨幾萬緡仍輟一歌鬟質
皆礪以儒業

冠洞房者為濡筆之贈韓納其請文既成但叙
譜裔品秩略不道續事業續慙之封還尚冀改
竄熙載直以向所贈及歌姬悉還之臨登車止
寫一闕於泥金雙帶而去南唐近事熙載詩曰
風柳搖搖無定枝陽

臺雲雨夢中歸他年蓬島
音塵斷留取尊前舊舞衣

補郭恕先時與役夫小民入市肆飲食曰吾所與

游皆子類也

蘇文忠公集曰郭忠恕字恕先洛陽人以善屬文及史書小學通九

經七歲舉童子漢湘陰公辟從事與記事董喬
多事謝去宋初與御史符昭又爭忿朝堂熙乾

補

曾子固為中書舍人

東都事略曰曾鞏字子固撫州南豐人

二能文及冠遊大學歐陽脩見其文而奇之自是名聞天下舉進士為集賢校理平生嗜書家藏至二萬卷又集古今

篆刻為金石錄五百卷嘗白事都堂時章子厚

為門下侍郎謂之曰向見舍人賀明堂禮成表

天下奇作按子固表二篇詞子固一無辭讓但

復問曰比班固典引如何班固典引叙曰臣固言永平十七年臣與

賈逵傳毅杜矩展隆郝萌等召詣雲龍門小黃門趙宣持素始皇帝本紀問臣等曰太史遷下

賈語中寧有非邪臣對此賈誼過秦篇云向使子嬰有唐主之才僅得中佐秦之社稷未宜

絕也此言非是即召臣入問本聞此論非邪將見問意開寤耶臣具對素聞知狀詔因曰司馬

補

米元章守漣水

宋史曰米芾字元章吳人以母

聲發憤懣覺悟童蒙光揚大漢軼

詠雲門者難為音觀隨和者難為珍不勝區區

惟相如封禪靡而不典楊雄美新典而亡實然

恩浸深誠思畢力竭情昊天罔極臣固頓首伏

論昭明好惡不遺微細緣事斷誼動有規矩雖

事忠臣效也至是賢遷遠矣臣固常伏刻誦聖

而遺忠主上求取其書竟得頌述功德言封禪

遷著書成一家之言揚名後世至以身陷刑之

故反微文刺譏貶損當世非誼士也司馬相如

歷漣水軍使知無為軍召為書畫學博士賜對
便殿上其子友仁楚江清曉圖擢禮部員外郎
為文奇險不剽襲前人特妙翰墨沉著飛翥得
王獻之筆意畫山水人物自名一家尤工臨移

至亂真遇古器物書畫則極力求取必得乃已
立寶晉齋貯之坐起玩拊精於鑒裁一經題品
價增數倍所與遊皆名士王安石摘其詩句書
扇上蘇軾亦喜稱譽之冠服效唐人風神蕭散
音吐清暢所至人聚觀之而好潔成癖至不與
人同巾器時有可傳笑者又舉止頽頽不能與
世俯仰故地接靈壁蓄石甚富一一品目入玩
仕數困

則終日不出楊次公

文苑傳曰楊傑字次公無
為人少有名于時元祐中

為禮部員外郎
自號無為子

為察使因往廩馬正色言曰朝

廷以千里郡邑付公那得終日弄石都不省錄
郡事米徑前於左袖中取一石嵌空玲瓏峰巒
洞穴皆具色極清潤宛轉翻覆以示楊曰如此
石安得不愛楊殊不顧乃納之袖又出一石疊

補

嶂層巒奇巧又勝又納之袖最後出一石盡天
劃神鏤之巧顧楊曰如此石安得不愛楊忽曰
非獨公愛我亦愛也即就米手攫得之徑登車

去

石林燕語曰帝知無為軍初入州解見立
石頗奇即命取袍笏拜之每呼曰石丈

排調上

司馬建公

魏志曰司馬防字建公宣王之父司
馬彪序傳曰防性質直公方雖間居

宴處威儀不或雅好漢書名臣列傳所諷誦者
數十萬言少仕州郡歷官洛陽令京兆尹以年

老轉拜騎都尉養志閭巷闔門自守諸子雖冠
成人不命曰進不敢進不命曰坐不敢坐不指

有所問不敢言父子之間肅如
也年七十一建安二十四年終嘗舉曹公為北

部尉後曹公進爵為王召建公到鄴與歡飲語

之曰孤今日可復作尉否建公曰昔舉大王時
適可作尉耳

諸葛瑾為豫州遣別駕到臺語云小兒知談卿

可與語連往詣恪

江表傳曰恪字元遜瑾長子也少有才名發藻岐嶷辯論

應機莫與為對孫權見而奇之謂瑾曰藍田生王真不虛也仕吳至太傅為孫峻所害恪

不與相見後於張輔吳坐中相遇別駕喚恪咄

咄郎君恪因嘲之曰豫州亂矣何咄咄之有答

曰君明臣賢未聞其亂恪曰昔唐堯在上四凶

在下答曰非唯四凶亦有丹朱於是一坐大笑

補

五官將既納袁熙妻

熙事別見

孔文舉與曹公書曰

補

武王伐紂以妲己賜周公曹公以文舉博學真

謂書傳所記後見文舉問之答曰以今度之想

當然耳國語曰殷辛伐有蘇有蘇氏以妲己女焉妲己有寵與膠鬲比而殷亡

張君嗣在益州蜀志曰張裔字君嗣蜀郡成都人治公羊春秋博涉史漢許文

休入蜀謂裔幹理敏捷為雍閬縛送孫權蜀志

是州郡殺太守者率雍閬恩信著於南土遠通孫

賓權乃以裔為益州太守徑往至郡閬遂超超不實粗不足殺令縛與吳於是送裔於權內武侯

遣鄧芝使吳蜀志曰鄧芝字伯苗義陽新野人漢鄧禹之後避亂入蜀先主用為

廣漢太守後先主崩武侯恐孫權異計遣芝奉

使芝成好而還權謂芝曰若天下太平二主分

并魏之後大王未深識天命君各茂其德臣各

盡其忠將提柁鼓則戰爭方始耳權笑曰君之誠款乃爾耶權與亮書曰丁太掾張陰化不盡

和合二國唯有鄧芝令言次從權請裔裔自至吳流徙伏

匿權未之知故許芝遣裔裔臨發乃引見問裔

曰蜀卓氏寡女亡奔相如貴土風俗何以乃爾

裔曰愚以為卓氏寡女猶賢於買臣之妻班固漢書

曰朱買臣字翁子吳人家貧好讀書不治產業常刈薪樵賣以給食擔東薪行且誦書其妻亦

負載相隨數止買臣毋歌嘔道中買臣愈益疾歌妻羞之求去買臣笑曰我年五十當富貴今

已四十餘矣女苦日久待我富貴報女功妻恚怒曰如公等終餓死溝中耳何能富貴買臣不

能留即聽去其後買臣獨行歌道中負薪墓間故妻與夫家俱上冢見買臣飢寒呼飯飲之後

數歲買臣隨上計吏為卒將重車至長安上書久不報待詔公車糧用乏上計吏卒更乞丐之

補

會邑子嚴助貴幸薦拜中大夫久之拜會稽太守上謂曰富貴不歸故鄉如衣繡夜行今子何如買臣乘傳入吳界見其故妻妻夫治道買臣駐車呼令後車載其夫妻到太守舍給食之居一月妻自經死

曾有白頭鳥集吳殿前孫權問羣臣此何鳥也諸葛元遜對云此名白頭翁張輔吳自以坐中景老疑元遜戲之因曰恪欺陛下未嘗聞鳥名白頭翁者試使恪復求白頭毋元遜曰鳥名鸚毋未必有對試使輔吳復求鸚父張不能答鍾毓為黃門郎有譏警在景王坐燕飲時陳羣子玄伯武周子元夏同在坐

魏志曰武周子伯南沛國竹邑人仕

三光祿大夫

共朝毓景王曰臯繇何如人對曰古之

懿士顧謂玄伯元夏曰君子周而不比羣而不黨

嵇阮山劉在竹林酣飲王戎後往步兵曰俗物

已復來敗人意

魏氏春秋曰時謂王戎未能超俗也

王笑曰卿輩

意亦復可敗邪

晉武帝問孫皓

吳錄曰皓字元宗一名彭祖大皇帝孫也景帝崩皓嗣位為晉

所滅封歸命侯

聞南人好作爾汝歌頗能為不皓正飲

酒因舉觴勸帝而言曰昔與汝為鄰今與汝為

臣上汝一栝酒令汝壽萬春帝悔之

王長豫幼便和令丞相愛恣甚篤每共圍碁丞相欲舉行長豫按指不聽丞相笑曰詎得爾相與似有瓜葛

蔡邕曰瓜葛踈親也

王丞相枕周伯仁膝指其腹曰卿此中何所有答曰此中空洞無物然容卿輩數百人

康僧淵目深而鼻高王丞相每調之僧淵曰鼻

者面之山

管輅別傳曰鼻者天中之山相書曰鼻之所在為天中鼻有山象故曰山

目者面之淵山不高則不靈淵不深則不清

于寶向劉真長

中興書曰寶字令外新蔡人祖正吳奮武將軍父瑩丹陽丞寶

少以博學才器著

叙其搜神記

孔氏志惟曰寶父有嬖人寶母

無歷散騎常侍

至妬葵寶父時因推著歲中經十年而母喪開
墓其婢伏棺上就視猶煖漸有氣息輿還家終
日而蘇說寶父常致飲食與之接寢恩情如生
家中吉凶輒語之校之悉驗平復數年後方卒
寶因作搜神記中劉曰卿可謂鬼之董狐春秋
云有所感起是也趙穿攻晉靈公於桃園趙宣子未出境而復太
史書趙盾弑其君宣子曰不然對曰子為正卿
亡不越境反不討賊非子而誰孔子曰董狐古
之良史也書法不隱趙盾古之賢大夫也為法
惡受

何次道往瓦官寺禮拜甚勤

克崇釋氏甚加敬也

阮思曠

語之曰卿志大宇宙

尸子曰天地四方曰宇宙

勇邁

終古

終古往古也楚辭曰吾不能忍此終古也

何曰卿今日何故忽

見推阮曰我圖數千戶郡尚不能得卿迺圖作

佛不亦大乎

庾征西大舉征胡既成行止鎮襄陽

晉陽秋曰翼率衆入

汚將謀伐狄既至襄陽狄尚彊未可決戰會康帝崩兄冰薨留長子方之守襄陽自馳還夏口

殷豫章與書送一折角如意以調之

豫章殷美庾答

書曰得所致雖是敗物猶欲理而用之

桓大司馬乘雪欲獵先過王劉諸人許真長見

其裝束單急問老賊欲持此何作桓曰我若不

為此卿輩亦那得坐談

語林曰宣武征還劉尹數十里迎之桓都不語

直云垂長衣談清言竟是誰功劉答曰晉德靈長功豈在爾二人說小異故詳載之

褚季野問孫盛卿國史何當成孫云久應竟在

公無暇故至今日褚曰古人述而不作何必在

蠶室中

漢書曰李陵降匈奴武帝甚怒太史令司馬遷感明陵之忠帝以遷為陵遷說

下遷腐刑乃述唐虞以來至于獲麟為史記遷與任安書曰李陵既生降僕又茸之以蠶室蘇

林注曰腐刑者作密室蓄火時如蠶室舊時平陰有蠶室獄

謝公在東山朝命屢降而不動後出為桓宣武

司馬將發新亭朝士咸出瞻送高靈時為中丞

阿鄴高崧小字也中興書曰崧字茂炎廣陵人父惺光祿大夫崧少好學善史傳累遷吏部郎

侍中以公累免官亦往相祖先時多少飲酒因倚如醉

戲曰卿累違朝旨高卧東山諸人每相與言安

石不肯出將如蒼生何今亦蒼生將如卿何謝

笑而不答

世說補卷之十七



